

**ZIMANÊ KURDÎ**

**NAVÎN**

**2**

**2019/2020**



## **AMADEKAR**

**Ev pirtûk ji aliyê Komîteya  
Zimanê Kurdî ve hatiye  
amadekirin.**

## **LÊVEGER**

- Komîteya Şopandinê**
- Komîteya Fotoşopê**
- Komîteya Redekteyê**

**Ev pirtûk ji aliyê Saziya Minhacan  
ve, wek pirtûka wanedayînê, ji bo  
dibistanan hatiye pejirandin.**





## NAVEROK

PERWERDEYA RAST .....	8
DARA Û MAMOSTE .....	10
HEVALTIYA RAST .....	15
COTYAR Û ZEVÎ.....	19
KÎ ME EZ.....	23
MÊŞÊN HINGIV.....	27
TÊKILIYA ÇANDÊ BI ZIMÊN RE .....	31
HERÊMEKE KURDISTANÊ.....	33
WELATÊ MIN .....	38
ŞIVANÊ BILÛRVAN .....	41
REXNEYA LI SER PERWERDEYÊ .....	50
KELHA ELODÎNO.....	56
PEZKOVIYÊN CIWAN.....	62
EZ.....	67
MELAYÊ CIZÎRÎ (1407-1481) .....	71
ROVIYÊ STEMKAR.....	76
GELIYÊ ZÎLAN.....	82
DAYÎKA MIN .....	86
GULBIHAR .....	88
DAXWAZNAME .....	94
DÎROK Û SIRÛD .....	97
BILBILÊ DILŞAD .....	102
NAME JI BO DAYÎKÊ .....	105
TILHELEF .....	111
GIRÎNGIYA XWENDINÊ.....	116

PEYAMA NEWROZÊ .....	119
SIYABENDÊ SILÎVÎ Û XECÊ .....	123
ZIMAN Û GEL .....	134
DR. QASIMLO .....	138
DÎLBEREK MIN DÎT BI ÇAVAN.....	143
SEYDAYÊ HÊJA OSMAN SEBRÎ .....	148
COTYARÎ .....	152

# **BEŞA 1**

PERWERDEYA RAST  
DARA Û MAMOSTE  
HEVALTIYA RAST  
COTYAR û ZEVÎ  
KÎ ME EZ  
MÊŞÊN HINGIV  
TÊKILIYA ÇANDÊ BI ZIMÊN RE  
HERÊMEKE KURDISTANÊ  
WELATÊ MIN  
ŞIVANÊ BILÛRVAN  
HÎNDARÎ 1

# WANE 1

## PERWERDEYA RAST

Perwerde, ew zanista hizrî û kiryarî ya encama ceribandina civakê ye ku weke karê fêrkirina ciwanan tê nasîn. Civakbûyîna zarokan, bi çalakbûna perwerdeya civakê ve tê birêvebirin.

Perwerdeya zarokan ne erka desthilatdarî û dewletê ye, erka herî girîng a civakê ye. Ji ber ku zarok û ciwan ên civakê ne. Civak, neçar e ku zarok û ciwanên xwe hem weke maf û hem jî weke erkeke sereke li gorî taybetiyêن xwe yên xwezayî, xwedî bike. Ji bo ku civak hebûna xwe bide berdewamkirin, ev dibe mijareke sereke û girîng di jiyanê de. Ji bo vî mafî, perwerde mafekî pîroz e û çavkaniya xwe jî, ji hebûneke xwezayî digire.



Di pêvajoya dîroka şaristaniyan de yek ji çalakiyêن herî mezin ên dijberî civakê, qutkirina zarok û ciwanan ji civakê ye. Vê jî bi du rîbazan pêk tînin an mezinêن wan tune dîkin û dîkin kole, yan jî ji bo berjewendiyêن desthilatdariyê werin berdewamkirin, zarok û ciwanan perwerde dîkin.

Yek ji armancêن herî girîng ên şeran; weke milkê herî binirx, zarok in. Keç û xortêن ciwan bi van her du rîbazan digirin nava xwe û dijberî civakê bi kar tînin. Zarok û ciwanan ji cewherê civaka wan qut dîkin; ziman, çand û dîrokeke cuda bi wan didin

fêrkirin. Armanca sereke ji cewherê wan biyanîkirin e. Di rastiyê de perwerdekirina civakê ne di xema wan de ye. Sermayedarek, karkerên xwe bi çi awayî perwerde dike; desthilatdar jî ew qas kesên di bin desthilatdariya xwe de, bi heman hizrê perwerde dikan. Bi vî awayî ji jor heta jêr xeleka koletiyê didin avakirin.

Netew-dewletên ku di roja me de desthilatdariyên xwe, beriya her tiştî li ser zarok û ciwanên civakê bi riya perwerdeyê didin domandin. Zarok û ciwanên dewletê, bi hişmendiya dîrok, huner, ol û felsefeya ku li ser perwerde kirîn, êdî ew zarok nabin zarokên wê malbat û civakê, rasterast dibin zarokên desthilatdarê wê dewletê. Zorî, hêza heyberî û perwerdeyê ji bo pişaftina civakê, bûye çeka herî bihêz. Bi riya tv, internet û rojnameyan di warê leşkerî, aborî û ya herî girîng jî, qirkirina çandî ya civakê, dixwazin temam bikin. Bi vî awayî desthilatdar dixwazin li dijî civakê, civakeke dijber bidin avakirin; li dijî civaka xwezayî, civaka desthilatdar bidin afirandin.

Civakeke ciwanên xwe winda kirî, berevajî vê jî, ciwanên civaka xwe winda kirî, ji windabûnê wêdetir jî, tê wateya ku xiyanet li rastiya hebûna xwe kirine.

Civak û kes li hemberî vê qirkirina çandê û pişaftina dewlet û deshilatdariyê, tenê bi têkoşîna li ser hîma civaka exlaqî û siyasî bi ser dikeve.

# WANE 2

## DARA Û MAMOSTE

Rojekê Dara ji xewê radibe, li demjimêra xwe temâse dike, dibîne ku dema wî pir kêm maye. Bi lez û bez serçavêr xwe dişo, berê xwe dide dibistanê û berî ku mamoste bikeve refê, Dara derbasî refê dibe. Piştî mamoste jî dikeve refê, dixwaze temâseyî pirtûka Dara bike, lê Darayê belengaz, pirtûka xwe ji bîr kiribû.

Mamoste: "Dara! Ka pirtûka te?"

- Pirtûka min, li malê maye.
- Çima te li malê hiştiye?
- Ji ber ku demjimêr derbas bûbû, min lez kir, ji ber wê pirtûk nehat bîra min.



Mamoste:

- Here pirtûka xwe bîne û were.

Dara bi awayekî bêgêwil ji refê derdikeve û berê xwe dide malê. Di rê de rastî birayê xwe Gabar tê.

- Ew çi ye di destê te de?
- Pirtûka te ye! Dayîka min got: "Bibe, da ku birayê te ji waneya xwe nemîne."

Dema Gabar, pirtûkê dide dest birayê xwe, Dara temâse dike, dibîne ku li şûna pirtûka zimên a bîrkariyê anîye. Li ser wê bihêrs dibe.

- Ev çi ye, te anî?!
- Pirtûka te ye.

- Diviya te pirtûka zimên bianiya.

Piştî wê herdu bira bi hev re vedigerin malê. Dayîka wan:

- Lawê min tu çima hatî malê?
- Ez hatime pirtûka xwe.
- Ma, min pirtûka te rênekiribû?

- Belê, lê we şaş rêkiribû dayê.  
Li şûna pirtûka zimên, Gabar  
pirtûka bîrkariyê anîbû.

Li ser vê Dara pirtûka  
xwe girt û çû dibistanê. Di  
deriyê hewşa dibistanê de rastî  
mamosteyê hîşedar hat.

- Tu çima dereng hatî?
- Min pirtûka xwe ji bîr  
kiribû, ez çûm, min pirtûka  
xwe anî. Agahiya mamosteya min ê waneyê ji min heye.

Piştî vê gotinê mamosteyê hîşedar pê re diçe û derbasî  
refê dike. Li ser rewşa wî agahiyan ji mamosteya waneyê digire  
û Dara jî, dest bi waneya xwe dike.



## **PEYV**

- Hêrs : Acizî  
Lez û bez : Lezgîn  
Hîşedar : Nobedar, Zêrevan  
Gêwil : Moral

## **RASTNIVÎS**

Gava ku gotûbêj di navbara çend kesan de çêdibe, heke gotina mirov di nava dunikê de neyê nîşandan, xêzekê datînin ber gotina mirov.

## **Mînak:**

Dayîkê ji lawê xwe re got:

- Çima tu hatî malê?

## **PIRS**

- 1- Ji bo çi sedemê Dara pirtûka xwe ji bîr kiribû?
- 2- Çima dema Gabarî pirtûk ji Dara re anî, Dara ew pirtûk nepejirand?

## **CUR Ü AWA**

Ev curenvîsa we xwendî, guftûgo ye.

Ji nivîsên di serpêhatiyekê de, di navbera çend kesan de axaftin bi awayê pirs û bersiv pêş dikevin re guftûgo tê gotin. Piranî guftûgo di serpêhatiyan de pêk têن.

Guftûgo di nava nivîsên bê amadekarî de cih digirin. Ji ber ku nivîskarê guftûgoyê jê ne agehdar e ku peyivîna di navbera du kesan de wê bi çi awayî pêş bikeve.

## RÊZIMAN

### Dengzanî:

Her weke ji wateya peyvê jî xuya dike, rêziman rêz û rêçikên ziman, nîşanî mirov dide. Diyar e ku tu ziman ne bê rêz û rêçik in. Deng, peyv û hevok li gorî hinek rêz û rêçikan pêk hatine.

Deng:

Bayê ku ji cîgera spî ya mirov derdikeve û diçe zengilorê, li vir bizavekê dide têlên deng; ew deng bi alîkariya qirik, lêv, diran, ziman, zimanê biçûk û poz, wêneyekê digire.

Li gorî we cudabûna di navbera deng û tîpan de çi ye?

Ji nîşaneyênu ku dengan didin nîşankirin re tîp tê gotin.

Di kurdî de 31 deng hene. Ji wêneyê dengan ê nivîskî re tîp tê gotin.

Tîp dibin du beş: Dengdêr û Dengdar

Dengdêr û taybetmendiyênu wan:

Ji dengênu ku rasterast ji dev derdikevin bêyî ku rastî tu astengiyan bênu re tîpênu dengdêr tê gotin.

Di zimanê kurdî de "8" tîpênu dengdêr hene.

"A E Ê I Î O U Ü"

Ev jî dibin du beş: "Dengdêren dengdirêj û dengdêren dengkurt."

Dengdêren dengdirêj: "A Ê Î O Ü"

Dengdêren dengkurt: "E I U"

Li gorî rewşa lêvan jî, tîpênu dengdêr dibin du beş: "Dengdêren rast û dengdêren girover."

Rast: "A I E Î Ê"

Girover: "O U Ü"

Dengdar û taybetmendiyêñ wan:

Ji wan dengêñ ku bêyî tîpêñ dengdêr nikarin deng derxin re tîpêñ dengdar tê gotin.

Di zimanê kurdî de 23 tîpêñ dengdar hene.

"B C Ç D F G H J K L M N P Q R S Ş T V W X Y Z"

Li gorî awayê derxistina deng, dendgdar dibin du beş: "Dengdarêñ berdewam û dengdarêñ neberdewam."

Dengdarêñ berdewam: ew dengêñ ku deng didin, lê bi awayê xwezayî nikarin derkevin.

1- Li gorî cîderka dengan

Li gorî cîderkê dengdarêñ kurdî

Lêvkî: b, m, p, w

Ev deng bi tevgera lêvan pêk tên. Di her sê dengêñ pêşîn (b, m, p) de her du lêv digihêjin hev, lê di dengê "w" de lêv nagihêjin hev.

Diranlêvkî: f, v

Ev deng bi tevgera diran û lêvan der tên. Diranêñ jorîn bi ser lêvên jêrîn de têne guvaştin.

Diranî: t, d, s, z, n

Bi tevgera zimêñ a li ser diranêñ pêşîn pêk tên.

Pêsezmandevî: ç, ş, j, y, l, r

Ezmandevî û qirikî: g, h, k, q, x

# WANE 3

## HEVALTIYA RAST

30.03.2007

Hevala min, piştî pazdeh salan careke din ez ketim nava deryayeke bêdawî. Ez bi tenê bûm. Çavêن min li te digeriyen hevalê! Lê qet, min tu nedidîtî. Hevaltiya te ya rast, hevala min a hêja Şîlan, ez li wê hevaltiyê digerim.

Careke din di nava deryayeke bêbinî de, bi tena xwe ez mabûm. Bê te bûm û ji te dûr bûm. Bi hesreta te û kulmek axa welatê xwe mabûm! Li ser wê axê jîn tê bîra min; ax û hezar ax!

Ez careke din bi hevaltiyeke ne rast re wiha rû bi rû dimam. Piştî wê hevaltiya me ya rast, ez êdî zû bi zû bi wê hevaltiya ne rast, baş têgihîştîm. Pir zor bû ku ez beramberî ew qas zor û zehmetiyan bêm. Min kesayetên wiha ketine pey berjewendiyêن xwe yên kesayetî, dîtin. Lê bizane hevala min, ez dizanim, kîjan hevaltî rast e. Hinek kesayetên wiha berjewendîperest hene ku tiştek ne xema wan e. Tenê ji bo xwe veşîrin, dikarin her tiştên xerab li ser hevalên xwe bêjin.



Ez jî, ji bo vê yekê ketime nava  
deryayeke bêbinî û ez mame bi  
tenê digerim. Lê ronahiya li ser  
rûyê te û hemû hevalên min ên  
şehîd, riya rast

nîşanî min didin. Careke din  
berê min didin deryaya jiyanê  
ya bêbinî.



Ş. Çîmen Herekol

JiPirtûka "Rêwiyê Azadiyê"

## **PEYV**

Hesret: Bêrîkirin

Berjewendî: Sûd

Berjewendîperest: Kesên tenê sûdêñ xwe diparêzin.

Jîn: Jiyan

## **RASTNIVÎS**

### **Bêhnok (,):**

Di nava hevokê de cihê ku mirov lê bêhna xwe veke nîşan dide. Bi vî awayî, xwendina hevokê hêasantir dike. Lê divê ev bikaranîn wateya hevokê neguherîne. Anglo bêhnok di cihê xwe de bê bikaranîn, ji ber ku bêhnok ne di cihê xwe de bê bikaranîn, an li cihê ku pêwîstî pê hebe û neyê bikaranîn, dibe ku wateya hevokê biguhere.

### **Mînak:**

Bixwîne, weke birayê xwe xemsar nebe.

Bixwîne weke birayê xwe, xemsar nebe.

Peyvîn hempeywir ên ku li pey hev rêz dibin, bi bêhnokê ji hev têñ cudakirin.

### **Mînak:**

Hozan, Lîloz, Berçem û Rêwan çûn gestê.

## **PIRS**

1- Li gorî te, hevaltiya rast çawa ye?

2- Ji bo hevaltiyeke rast pêş bikeve, ci pêwîst e?

3- Tişa ku Ş. Çîmen Herekol bi jiyanê ve girê dida, ci bû?

## CUR Û AWA

Nivîsa we xwendî, curenivîsa rojane ye. Ji ber ku di nivîsînê de dema pêkanîna bûyerê hatiye nivîsîn, dîroka rojê jî, lê hatiye zêdekirin. Ji nivîsnêni bi vî awayî re em dibêjin nivîsên rojane (rojnivîs).

Girtina nivîsên rojane dibe dewlemendiyekê çandî û ramanî. Ji bo nivîsên rojane, plan nayê çekirin. Piştî nivîsîna dîrokê, rasterast derbasî mijarê dibe. Hevokênen têr bikaranîn, pêwîst e kurt, têgihiştî û bibandor bin.

Nivîsên rojane, ne ji bo weşandina di kovar û rojnameyan de têr nivîsîn

## RÊZIMAN

Dema di peyvê de, tîpa "x" dikeve pêşıya tîpa "w" yê û bi hev re dengekî hevpar derdixin, em ji wan re dibêjin pevdeng.

### Mînak:

Xwendin, xwarin, xwê, xweda, xwişk û ...


Di zimanê kurdî de tu tîp nakevin navbera "x û w" yê ji bilî peyva xew ew jî awarte ye.

Tîpêni "o, u, û" piştî pevdengê nayêni.

# WANE 4

## COTYAR Û ZEVÎ

Zevîkê ez negêj im  
Te j' bîra xwe bavêjim  
Bizane ez çi d'bêjim  
Kul û derdan ved'rêjim  
Ser û bin jan û êşim  
Hew vê janê ved'kêşim



Heke te ne parêzim  
Bizane ez nemêr im  
Zevîkê bo te d'bêjim  
Natirsim ez diwêrim  
Mêr im têra xwe fêr im  
Xudanê tevr û bêr im  
Cotyarê destqilêr im  
Nev'yê Kawey' Dilêr im  
Sozbit, yar te bikêlim  
Ji bo zordar nehêlim

Serê çepel vehêrim  
Nav axa te veşêrim  
Yan xwîna xwe birêjim  
Hingê pitir dihêjim  
Serbest û şad û têr im  
Şehîdê xakê, zêr im

Li cem milet birêz im  
Li cem milet birêz im

## Sebrî Botanî

### Em helbestvanê xwe binasin:

Sebrî Botanî yek ji rewşenbîr û helbestvanên kurd e. Ew di sala 1936'an de ji dayîk bûye. Destpêkê di medreseyâ olî de li gundê Sêgirka xwendîye, lê piştî demeke kurt Botanî dest jê berdaye û çûye di dibistaneke fermî de xwendîye. Piştî xwendina sê salan, wî dev ji dibistanê berdaye û ketiye nava karûbarêni siyasî. Ji bo azadî û serxwebûna kurd û Kurdistanê xebitiye. Du dîwanên wî hene: "Dîwana Şîn û Şadî û Dîwana Dilistan".

### RASTNIVÎS

Malika li jêr, bi awayekî rast di lênuşa xwe de binivîse û bixwîne.

zevîkê ez negêj im  
te j' bîra xwe bavêjim  
bizane ez ci d'bêjim  
kul û derdan ved'rêjim

### PIRS

- 1- Nivîskar pesnê ci dide?
- 2- Malika duyemîn a helbestê şirove bike.

### CUR Û AWA

Ji wan nivîsên ku li gorî pîvan û bareyan hatine birêkûpêkirin û bandorê li hestêni mirovan dikin re **helbest** tê gotin.

Helbesta li jor, helbesteke **pastoral** e.

**Helbestêñ pastoral:** helbestêñ ku xwezayê ji xwe re dîkin mijara şiroveyê ne. Jiyana şivan û gavanan, jiyana gundan, çanda çiyan, tore û kevneşopiyêñ zozanan û xweşikbûna xwezayê dibin mijarêñ sereke yên helbestêñ **pastoral**. Bareya helbesta li jor, ji bareya tam û dewlemend pêk tê.

## RÊZIMAN

- 1- Di zimanê kurdî de du tîpêñ dengdêr li gel hev nayêñ.  
Dema li gel hev têñ jî tîpeke kelijandinê (h,w,y) dikeve navbera wan.

### Mînak:

**Çiya ê bilind**, li vê derê jî, tîpa kelijandinê "y" ketiye navbera her du tîpêñ dengdêr û bûye **Çiyayê bilind**.

Rona î  ronahî  
Ba î  bawî

### 2- Cihguhertina dengan:

Di zimanê kurdî de dema tîpêñ dengdêr (ê,î) dikevin pêşıya tîpa kelijandinê (y), cihê xwe ji tîpa (i) re dihêlin.

### MÎNAK:

Rê + ya min Riya min.  
Enî + ya min Eniya min

### 3- Kite:

Ji beşa peyvê ya ku bi carekê ji devê mirov derdikeve re kite tê gotin.

Di kurdî de kiteyek dibe ku ji yekdengî heta çar dengan pêk bê, kêm caran ji pênc dengan jî pêk tê.

**Mînak:** a, av, dar, reng, stêrk.

Di kurdî de peyv ji yek kiteyê heyâ çar kiteyan pêk tê, kêm caran peyv ji pênc kiteyan jî pêk tê.

### **Mînak:**

ax, he-val, kur-dis-tan, ber-xwe-da-nî, şer-ra-wes-tan-din.

Hevok: Natirsim ez diwêrim.

Peyv: Natirsim- ez- diwêrim.

Kite: Na-tir-sim ez di-wêrim.

**Têbînî:** Di her kiteyekê de tîpeke dengdêr heye, tîpêng dengdêr bi tena xwe dixin kiteyek, lê yên dengdar bi tena xwe nikarin bibin kite.

### **HÎNDARÎ**

1- Çend hevakan binivîsin û kite bikin.

2- Xwezaî, kâî, mirovaî, van peyvan bi awayekî rast di lênuşa xwe de binivîsin.

# WANE 5

## KÎ ME EZ



1

Kî me ez

Kurdê kurdistan

Tev şoreş û volkan

Tev dînamêt im

Agir û pêt im

Sor wek êtûn

Agir giha qepsûn

Gava biteqim

Dinya dihejî

Ev pêt û agir

Dijmin dikujî

Kî me ez

Kurdê serfiraz

2

Dijminê dijmin

Dostê haştîxwaz

Ez xweş mirov im

Ne hirç û hov im

Lê çi bikim bê şer

Dijmin naçî der

Bav û kalê min

Dijîn tev serbest

Naxwazim bijîm

Ta ebed bindest

Kî me ez

3

Divê ez derxim  
Dijminê xwînxwar  
Şahê efyûnkêş  
Jontirkê dijwar  
Serbest bijîm  
Wek hevçaxê xwe  
Dilxweş bixwim ez  
Rez û baxê xwe  
Çekan hilgirim  
Derkevim meydan  
Rêçek nû çêkim  
Ji boyî insan  
Kî me ez

4

Ez im ew kurdê serhişk û hesin  
Îro jî dijmin ji min ditirsin  
Bêhna barûdê  
Kete pozê min  
Dixwazim hawîr  
Biteqim ji bin  
Dîsa wek mîra  
Bikevin çiya  
Naxwazim bimirim  
Dixwazim bigirim  
Kurdistana xwe  
Axa Medya  
Kî me ez  
**CEGERXWÎN**

## **PEYV**

**Qepsûn:** cihê ku pêtên agir jê derdikeve.

**Ta ebed:** ta dawî

**Efyûnkêş:** kesê ku efyûnê vedixwe.

**Hevçax:** hevdem

## **RASTNIVÎS**

**Dabir:**

Qertafêñ ku piştî hejmar û kurtenavan têñ, bi dabirê têñ cudakirin.

**Mînak:**

Di **19'ê** Tîrmeha sala **2012'an** de şoreşa Rojava dest pê kir.

Li Rojava **YPG'ê** gel diparêze.

## **PIRS**

1-Di malika dawî de helbestvan dixwaze çi bike?

2-Di malika duyem de helbestvan xwe çawa dide nasîn?

## CUR Ü AWA

Ji agahîdayîna di mijarekê de piştgiriya nêrînekê yan jî nivîsên ku bi armanca daxuyaniyekê hatine nivîsîn re **gotar** tê gotin.

Di gotarê de tekezkirin û misogerkirin di plana sereke de ye. Armanca gotaran: Bi mijarêni aliyê wan ên zanistî li pêş xwendevanêni xwe ronî dikin û raya giştî pêk tînin.

Gotar, piraniya xwe di rojname û kovaran de têni weşandin. Gotarêni ku mijarêni wan nû bin, dikevin pêşıya rojnameyan û ji wan re **gotarêni sereke** têni gotin. Lê belê, gotarêni di kovaran de têni weşandin, têkildarî mijarêni civakî ne.

Erka herî girîng a gotaran, bandorkirin, perwerdekirin û xwegihandina xwendevanan e.

## RÊZIMAN

**Qertafêni nebinavkirî:** Qertafêni "**ek** û **in**" peyvîn binavkirî dikin nebinavkirî.

### Mînak:

"**-ek**": **gulek**, **darek**, **zarokek**, **hevalek**, **dibistanek** ...

Min **gulek** diyarî mamosteyê xwe kir.

**Zarokek** hat.

"**-in**": **gulin**, **darin**, **zarokin**, **hevalin**, **dibistanin** ...

Min **gulin** diyarî mamosteyê xwe kirin.

**Zarokin** hatin.

## HÎNDARÎ

1-Çend hevokan binivîsin û qertafêni nebinavkirî tê de bi kar bînin.

# WANE 6

## MÊŞÊN HINGIV



Salekê min mêsên hingiv nedidîtin. Kêmbûna van tebayan, bala gel jî kişandibû. Piştre em fêr bûn ku bikaranîna dermanên kîmyawî yên li ser kulîlkan, bûye sedema tunebûna van tebayêngiranbuha.

Roja borî li nava daristanê, li ber bêhna kulîlkan, li ber bayê hênik dimeşiyam. Bi carekê bi dengekî xweş, ji nava xeyalan hilbeyîm. Dengê ku dihat guhê min, bala min dikişand. Ji nişka ve rawestiyam. Guhê min ê ku ji dengê awaza dosta xwe biyanî mayî, di nava beşînê de pêl bûn.

Mêşa hingiv ne tebayeke biharê ye. Bi xwe bihar e. Dengê awazên wê, weke bêhna biharê, dilê mirovan xweş dike. Bi qurmê darekê ve gulatokên mêşan û awayê tevgerên wan li ser xeyalên me yên rewanî, tiştekî zêde nakin. Daristaneke bêdawî, di nava keskahiya wê de mirov bêhiş dibe...

Bazara di nava keskahiya wê de hatî vekirin, di wê bazarê de geryana keçên ciwan, dengê piyanêna ava sûsê, rengîniya cerên şerbetê, li ser gupikê daran awazên bilbilan...

Di nava van hemû xweşîyan de hîzrîna mêsên hingiv û awazên wan...

Bêguman mêsên hingivîn ji bo pêkanîna gelek karan, dermankirina gelek nexweşan, hizrîna gelek tiştan, hatine afirandin.

## **PEYV**

**Gupik:** Cihê herî bilind

**Beşişîn:** Kenekî nerm-binlêvan-girnijîn

**Gulatok:** Koma mêsan

**Bazar:** Sûk

**Sûs:** Navê giyayekî ye, li Kurdistanê şîn dibe û dibe derman jî.

**Hilbeyîn:** Veciniqîn.

## **RASTNIVÎS**

Dema ku mirov bixwaze bide zanîn ku nivîsîn bi dawî nebûye, **sêxal** tê bikaranîn.

### **Mînak:**

Di nava van hemû xweşîyan de hizrîna mêsên hingiv û awazên wan...

Dema ku mirov nivîsekê ji cihekî veguhêze û ew nivîs ne temam be, bi **sêxalê** tê diyarkirin û sêxal di nava kevanekê de tê danîn.

### **Mînak:**

(...)

Dengê kê ye dinalî, nalenala welat e

Dikê gazî, dikalî, rabin çaxê xebat e

(...)

## **PIRS**

**1-** Çima nivîskar ew qas ji mêsên hingiv matmayî mabû?

**2-** Sedema mirina mêsên hingiv ên giranbuha, çi bû?

**3-** Taybetmendiyêñ mêsên hingiv, çi ne?

## **RÊZIMAN**

**Vegetandek:** Ew qertaf in ku girêdanê di navbera peyvan de çêdikin. Her wiha zayend û mêjera peyvan jî diyar dikan.

Vegetandek, di nava xwe de dibin du bes:

### **1- Vegetandekên binavkirî:**

**a** (mê û yekjimar)

**ê** (nêr û yekjimar)

**ên** (pirjimar)

### **Mînak:**

Diya wê bijîşk e.

Pirtûka min rengîn e.

Birayê wî têkoşer e.

Bavê Delalê mamoste ye.

Kulîlkên me rengîn in.

Zarokên me dixwînin

### **2- Vegetandekên Nebinavkirî:**

**eke** (mê, yekjimar)

**ekî** (nêr, yekjimar)

**ine** (pirjimar)

### **Mînak:**

Metêke min heye.

Sozvîn keçeke pir xweşik e.

Navê apekî min Hozan e.

Hogir mirovekî zana ye.

Pirtûkine Cegerxwîn li gel min hene.

Hevaline min li gund hene.

## **HÎNDARÎ**

Çend hevokan binivîsin û veqetandekên binavkirî tê de bi kar bînin.

# WANE 7

## MIJARA SERBEST TÊKILIYA ÇANDÊ BI ZIMÊN RE



Ziman têgeha sereke ya çandê ye. Mirov hest, hizir û pêwîstiyên xwe bi zimên rave dike. Ji ber vê çendê bikaranîna zimên, di pêşketina civakan de cihekî girîng digire.

Civakek bi parastin û pêşxistina zimanê xwe, hebûna xwe diyar dike. Gelên ku gihîştine vê rojê, bi riya bikaranîn û pêşketina zimên e. Ziman, têgehê çandê ji nifsekî digihîne nifsekî din. Mirovên ku karîbûn zimanê xwe tevî nivîsînê bi kar bînin, xwedî pêşerojeke bihêz in.

Cihê ku ziman û hîzrîn di nav de ye, cihê herî hêsan e ku dewlemendiya çandê lê tê dîtin. Çand, bi awayekî herî berfireh pênasekirina ziman û hizirê ye. Mirov hemû çêkerêن xwe bi hîzrînê diafirîne. Di hemû destkeftiyêن ku afirandî de vedana hîzrînê tê dîtin. Dibe ku civakek an jî her komeke din li gorî hişmendiya xwe hemû afirandinan negîhînin dawîbûnê.

Ew kom an jî civak di ziman û hizira xwe ya dîroka derbasbûyî de hemû destkeftiyêñ ku afirandî li cihê wê hildigire. Têkiliya çand-hizir û çand-ziman di aliyêñ cudahiya nasnameyêñ civakan de girîng in. Ji ber vê yekê nav û zimanê her gelî cuda ye. Ziman girîngiya têkiliya mirovan dide zanîn.

# WANE 8

## HERÊMEKE KURDISTANÊ



Bi ked û xwêdana şehîdan, gelek xeyalên ku rizî û zuha bûbûn, ji nû ve şîn bûn. Her çêbûnek bi rastiya xwe ya cewherî ji nû ve ket tevgera têgihiştinê. Bayê azadiyê bi şêweyekî herî xurt dest bi herikînê kiriye. Vî bayê azadiyê hemû Kurdistan girtiye nava xwe. Herêma ku bîranîna bayê azadiyê bi xwe re jiyayî, Botan e. Botana ku di agirê Mezopotamyayê de hebûna xwe dayî pêhesîn, xweşikiyêن xaka pîroz a dayîka xwedawend di hembêza xwe de hilgirtîn, şopêن kûr ên ku çanda dayîka xwedawend tê de têن dîtin, bi xweşikiyêن xwe yên dîrokî ku bûye mijara roman, film û helbestan. Bi watekirina wê, dê zor be. Divê mirov bi xwe di nava xweşikbûnêن Botanê de jiyabe, da ku xweşikbûna Botanê bizane. Xaka Mezopotamyayê ya ku landika mirovahiyê ye, erdnîgariya ku weke diyariya jiyanê tê watekirin, bi herikîna çemên xwe yên Ferat û Dicleyê, weke kaniya buhiştê difûre û xweşikiyeke reng bi reng dide derdora xwe jî. Ciwaniya Botanê bi mîrg û kanî, deşt û zozan, çem û robar, berhem û şkeftên wê yên dîrokî ta roja me jî bedewtiya Botanê li ser piyan dihêle. Ji van, Gemiya Nûh a ku herî

xweşik û dîrokî heta roja me  
jî bi coşa xwe ya mezin tê  
bîranîn.

Bi taybet ew rezên tirî yên  
Botanê bi ser Baxçeyên  
Babil ve diçin. Bi darêن xwe  
yên behîv û gûzan, bi avêن  
xwe yên ku diherikin,  
çavkaniya jiyanê ye. Weke  
hemû erdnîgariya Botanê,  
çanda wê jî, rîbaza jiyana ku bi keda xwe, bi xwezayê re  
havêن bûye. Hembêza wê ya bi xwîn û rondikan hatiye avdan,  
bûye agirê ku tu caran niyaza xwe ji şervanê azadiyê re qut  
nekiriye û di rastiyê de Botan efsaneyek e. Cihê ku Mem û  
Zîn lê jiyane. Cihê ku evîndarêن mezin û girêdanêن mezin lê  
hatine jiyîn û bîranîn tê de hatine nivîsîn. Ji ber vê sedemê ye  
ku keç û kurêن Botanê di asta evîndariyê de bi xaka xwe ve  
girêdayî ne. Mirovên vê herêmê evîndarî û bêrîkirinêن xwe bi  
hestêن herî xweşik, kirine mijara helbest û wêjeyê. Yek ji van  
cihêن herî balkêş di navenda Botanê de, Cûdiyê Miradan e ku  
bi serbilindiya xwe ji nirxêن mirovahiyê re malovanî kiriye;  
gelek kesayetêن pêşeng di hembêza xwe de parastine û bûye  
parêzvanê civaka Botanê. Aha! Ji ber vê malovaniya xwe,  
Cûdî her tim bûye stargeha civaka kurd û her tim hebûn, çand  
û kevneşopiyêن xwe tê de parastin e.



## PEYV

**Xwedawend** : Dayîka Xweda

**Bîner** : Şahid / Temaşevan

**Baxçeyên Babil** : Qralê Babilê, ji bo hevjîna xwe Semîramîs  
ev baxçe da çêkirin.

## PIRS

- 1- Botan dikeve kîjan aliyê Kurdistanê?
- 2- Çima herêma Botanê dergûşî ji mirovahiyê re kiriye?

## CUR Û AWA

Curenivîsa li jor **ceribandin** e.

Ji ber ku nivîskar hest û ramanên xwe yên di derbarê mijara danî holê de tîne ziman û nêrînên xwe naspêre çespandinê. Nakeve xema nebawerkirinê jî. Serbixwe ye. Ji ber ku xwesertiya kesî, taybetmendiya herî girîng a ceribandinê ye.

**Ceribandin**, curenivîseke di sedsala 16'an de, di bin rêveberiya nivîskarê Fransî Monteyin (Montaigne) de derketiye holê.

## RÊZIMAN

Ji wan peyvîn ku heyînekê bi me didin naskirin re **nav** tê gotin.

**a-Nav li gorî teybetiyêن xwe dibin sê beş:**

**1- Serenav**

**2- Hevenav**

**3- Komenav**

**1- Serenav (Navêن Taybet):** Ew nav in ku heyîneke tenê bi me didin nasîn. Navêن taybet bi tîpa mezin dest pêdikin.

Dema em navekî ji wan dibêjin, tenê heyînek tê ber çavên me.

**2- Hevenav (Navêن Giştî):**

Ew nav in ku gelek heyînên ji heman cureyê, bi me didin nasîn. Navêن giştî bi tîpêن biçûk dest pê dikin.

Weke peyva "**dar**" dema em dibêjin "**dar**", hemû cureyêñ daran bi me dide nasîn. Cudahiyê nake di navbera dara sêv, hêjîr û mewê de.

### **3- Komenav (Navêñ Kom):**

Ew peyv in ku komeke heyînan bi me didin nasîn û di  
aliyê wateyê de heyîneke tenê pê nayê binavkirin.

Dema gelek pez têñ gel hev, ji vê kombûna wan re kerî tê  
gotin. Mirov nikare ji pezekê re bêje kerî.

#### **Mînak:**

hevenav	serenav	komenav
hirç	Qamişlo	leşker
rovî	Ferat	gel
pirtûk	Rênas	kerî
mişk	Cûdî	netewe
çiya	Kobanê	şêñî
xanî	Amed	dewar
dar	Agirî	garan
hesin	Efrîn	

#### **b- Nav li gorî wateya xwe dibin du beş:**

**1- Navên şenber.**

**2- Navên razber.**

**1- Navên Şenber:** Ji navên heyînêñ ku mirov bi her pênc  
lebetêñ xwe yên pêhesînê, hebûna wan diyar dike re **navên  
şenber** tê gotin.

**2- Navên Razber:** Ji navên heyînêñ ku mirov bi her pênc  
lebetêñ xwe yên pêhesînê, nikare hebûna wan diyar bike, lê  
hebûna wan tê bawerkirin re **navên razber** tê gotin.

## Mînak:

şênber	razber
çiya	rûmet
çem	azadî
mêr	bawerî
gelhe	dem
dar	helwest
gur	viyan
kevir	hişmendî
hirç	xeyal

## HÎNDARÎ

- 1- Çend navên şênber peyda bike û di refê de ji hevalên xwe re bêje.
- 2- Çend navên razber peyda bike û di lênuşa xwe de binivîse

# WANE 9

## WELATÊ MIN



Xwe nespêre dijminê hov bi nezanî

Xwe nexapîne çar gotinên biyanî

Li ser te cangoriyan serê xwe danî

Ma tu dixwazî nav de bibî dilmanî

Te em kirin sêwî, hiştin ber dîwaran

Rêberên me tev birin li ber sêdaran

Li Amedê hilawistin Se'îdê Pîran

Îro jî dixwazin, dawiya Rêberan

Careke din ji bo min, bibe cih û war

Dê roj derkeve ser te çêbibe bihar

Wê azad bibe, gelê bindest û hejar

Em ê bêjin rojbûna me ye 21'ê Adar

**Şehîdekî Nemir**

## **PEYV**

- Biyanî** : Xerîb  
**Sêwî** : Kesê bê dê û bav  
**Spartin** : Radestkirin  
**Hilawestin** : Daliqandin

## **PIRS**

- 1- Ger em bi peyvên biyanî xwe bixapînin, wê çi bibe?1
- 2- Kengî wêbihara welatê me were?
- 3- Ji bo rêberêñ kurdan neyêñ bidarvekirin, pêwîst e em çi bikin?

## **CUR Ü AWA**

Nivîsa li jor nivîseke hûnandî ye; pîvan û bare tê de bingeh hatine girtin.

Helbesta li jor helbesteke hûnandî ye û ji helbestêñ **destanî (epîk)** in.

Helbestêñ **destanî** (epîk): Ew helbestêñ ku mijara wan li ser şer, lehengî, egîdî û welatparêziyê ne.

Bûyerêñ dîrokî bi kelecanekê şîrove dikin. Di heman demê de ji van helbestan re **helbestêñ lehengî** jî tê gotin.

Helbesta li jor ji ber ku bi pîvana bareyan û kiteyan pêk hatiye, helbesteke bi pîvan e. Ev helbest ji bareya tam û dewlemend pêk hatiye.

Her rêzikeke vê helbestê ji 12 kiteyan pêk hatiye.

## RÊZIMAN

**Li gorî mijarê, nav dibin du beş:**

**1- Navên yekjimar**

**2- Navên pirjimar**

**1- Ji navên ku qertafêن pirjimariyê nagirin û di aliyê jimarê de yekjimariya heyînan bi me didin nasîn re navên yekjimar tê gotin.**

**Mînak:**

**Botan** efsaneyek e.

**Cûdî** çiyayekî biheybet e.

**2- Ji wan navên ku qertafêن pirjimariyê yêñ"êñ, an, inan, in, ine"** digirin û gelek heyînen bi heman navî bi me didin têgihandin re

**navên pirjimar** tê gotin.

**Mînak:**

**Şervanêñ** azadiyê, dest bi meşa azadiyê kirin.

**Ciwanan** li Rojhilat çalakî li dar xistin.

## HÎNDARÎ

- 1- Tu jî du navên yekjimar û du navên pirjimar di lênuşa xwe de binivîse.
- 2- Tu jî helbesteke **destanî** peyda bike û ji hevalên xwe re bixwîne.

# WANE 10

## ŞIVANÊ BILÛRVAN



Şivanek hebû, ew bilûrvanekî hêja û jêhatî bû; hîn nozdeh salî bû û pezê xwe baş diçêrand. Kesekî wî li gund tune bû. Ew ji aliyê Êrîvanê ve hatibû. Navê wî Siyabend bû, dê û bavên wî di şerê cîhanê yê duyemîn de winda bûbûn.

Hemû kesên li gund jê hez dikirin. Axayê wî gelekî dewlemend bû. Sê kur û keçeke wî hebûn. Wî her sê kur û keça xwe şandibûn xwendinê. Şivan di meha Adarê de li cem Axê dest bi şivaniyê kiribû. Wî pezê xwe bi şevê jî diçêrand û bi rojê tanî nava gund. Dema ku wî pez tanî ser avê, bilûra xwe derdixist û lê dixist, pez jî yeko yeko dida dû wî û ber bi avê ve diçû. Dengê bilûra wî wisa xweş bû, ku keç û xortêñ gund kar û barêñ xwe dihiştin, tenê li bilûrvan guhdar dikirin.

Di dawiya Hezîranê de keça axê Perîxan ji bajêr hatibû mala bavê xwe. Rojekê ew bala xwe dide ku şivanek li bilûrê dixe û pezê wî jî yeko yeko ber bi avê ve tê, Perîxan jî ber bi kaniyê ve diçe û dibîne ku ev yek rastî yan jî xewn e. Perîxan tê

ser kaniyê, çavêن wê li çavêن şivêن dikevin. Ew li şivan dinêre û şivan jî li wê dinêre...

Demek derbas dibe, pezê şivêن ava xwe vedixwe, vedikişê û diçe. Dengek wan vediciniqîne: "perîxanê were taştê bixwe!", diya wê dibêje, şivan dinêre ku Perîxan keça axayê wî ye, rûyê wî sor dibe, serê xwe dike ber xwe û ber bi pezê xwe ve diçe.

Siyabend pezê xwe ber bi çiyê ve dibe, lê Perîxan keça bedew, ji bîra wî dernediket. Perîxana çavbelek, enîkever û poz bixizêm bû. Ew weke xezalekê hatibû ser kaniyê.

Pezê şivêن li serê çiyê , li aliyê beroj hêl vedabû, lê şivanê bilûrvan ji evîna dil gêj dibû û di dilê xwe de digot xwezî ew ne keça axayê min bûya yan jî ez ne li ber deriyê mala bavê wê şivan bûma, xwezî dê û bavê min hebûna, min ê ji wan re bigota, bila biçûna, gustîlk bixistana tiliya Perîxanê. Hingî ez ê bibûma bextiyarê cîhanê.

Min ê ji Perîxana xwe re bilûra evîna dilan lêxista û ji dilê xwe kul û kederên van salên ku min li welatên biyaniyan borandîn derxistana.

Siyabend bi vê yekê dihizirî û hêstir ji çavêن wî dihatin xwar. Wê şevê heta sibehê xew neket çavêن Siyabend. Ew ne birçî û ne jî tî bû. Ci qas şev derbas dibû, ew qas Siyabend diket xewn û xeyalên Perîxanê. Wî dîsa dest bi bilûra xwe dikir û dilê gelek şivanê din dişewitand...

## PEYV

**Dewlemend:** Zengîn, xwediyê malê pir

**Bilûr:** Amûreke mûzîkê ye.

**Xizêm:** Parçeyeke zêr ku jin bi pozêن xwe ve dikan.

**Bextewar:** Bişens, dilxweş

## **PIRS**

- 1-** Çima gundiyan ji şivên hez dikir?
- 2-** Çima şivên nikarîbû raze?
- 3-** Siyabend û Perîxanê li kû derê hev dîtin?

## **RASTNIVÎS**

Temaşeyî mijara li jor bikin, ka cotxal li ku derê hatiye bikaranîn. Gava ku di nava hevokê de tiştek tê gotin, an taybetmendiyêñ tiştekî têñ rêzkirin an jî wateya wê tê vegotin, **cotxal** tê bikaranîn.

### **Mînak:**

Nesrînê got: "Were malê."

Taybetmendiyêñ Hogir: mirovekî pêşketî, zana, mîvanperwer û mîrxasî.

Tîp: Nîşaneyêñ dengan in.

**Têbînî:** Piştî cotxalê peyv bi tîpa mezin dest pê dikin, lê dema ku peyv werin rêzkirin bi tîpa bicûk dest pê dikin.

## **RÊZIMAN**

### **Nav li gorî çêbûna xwe dibe du beş:**

**1-** Navêñ xwerû

**2-** Navêñ nexwerû

Navêñ nexwerû jî di nava xwe de dibin du beş:

- a- Navêñ pêkhatî
- b- Navêñ hevedudanî

**1- Navêñ Xwerû:** Ew nav in ku tu qertafan nagirin û xwedî wate ne.

**Mînak:** Careke din ji bo min, bibe **cih** û **war**

Dê **roj** derkeve ser te çêbibe bihar

Wê **azad** bibe, gelê bindest û **hejar**

Em ê bêjin rojbûna me ye 21'ê **Adar**

Weke hûn di malikê de jî dibînin, peyvên reşkirî, navên xwerû ne. Ji ber ku tu qertaf û peyv negirtine.

**2- Navên Pêkhatî:** Ew navên xwerû yên ku qertafêñ sazker distînin û wateyeke nû bidest dixin.

**Mînak:** Evîndar, şervan, nalbend, gundî, îsal...

Dema em temâseyî van peyvan dikin, dibînin ku:

peyva "**evîn**" bi girtina qertafa "**dar**"

peyva "**şer**" bi girtina qertafa "**van**"

peyva "**nal**" bi girtina qertafa "**bend**"

peyva "**gund**" bi girtina qertafa "**î**"

peyva "**îsal**" bi girtina qertafa "**î**"

li ser bingeha navê heyî, navekî nû hatiye sazkirin.

**Têbînî:** Navên pêkhatî ji nav û qertafeke sazker çêdibin.

**3- Navên Hevedudanî:** Ji wan navên ku ji du peyvan pêk têbînî û wateyeke nû didin re navên hevedudanî tê gotin.

**Mînak:**

Cegerxwîn, ev nav ji du navên cuda yên weke "**Ceger**" û "**xwîn**" pêk hatiye û bûye navekî din. Her wiha navê "**sorgul**" jî ji navên "**sor**" û "**gul**" pêk hatiye û bûye navê guleke din.

## HÎNDARÎ

- 1- Navên li jêr di nava hevokan de bi kar bîne.  
Dest, zinar, dar, av, aş  
Rûken, dilgeş, çavres

## HÎNDARÎ 1

Bersiva rast Hilbijêrin

**1- Di mijara welatê min de helbestvan rojbûna xwe di kîjan demê de gotiye?**

- A) 21' nîsan
- B) 21'ê Adar
- C) 21'ê mijdar
- D) 21'ê gulan.

**2- Ramana bingehîn ya mijara herêmeke kurdistanê çi ye?**

- A) Diyarkirina xweşikbûn, girîngî û zindîbûna welêt.
- B) Diyarkirina bêrîkirina ji Botanê re .
- C) Diyarkirina hestên dûrketina ji welêt.
- D) Negirîngîdayîna welêt.

**3- Li gorî mijara Têkiliya Çandê bi Zimêن re çand di wateya xwe ya berfireh de çi ye?**

- A) Têkiliya wê bi ziman û hizirê re tuneye.
- B) Ziman bi xwe ye .
- C) Pênasekirina ziman û hizirê ye.
- D) Hizir bi xwe ye.

**4- Ji nivîsêن ku bandorê li hestêن mirovan dikin û bi bare û pîvan têن nivîsîn re çi tê gotin?**

- A) Çîrok
- B) Serpêhatî
- C) Gotar
- D) Helbest

**5- Di rêzika helbesta '*Kesê zana divê li ber wî xuya bin her du sal evro*' de çend deng hene?**

**A) 17**

**B) 21**

**C) 38**

**D) 39**

**6- Di hevoka '*Min name xwend*' de kîjan cureyê navan hatiye bikaranîn?**

**A) Hevenav**

**B) Navê pirjimar**

**C) Serenav**

**D) Komenav**

**7- Di kîjan hevokêni li jêr de diyarkirina kiteyan şaş hatiye nîşandan?**

**A) Xwen-din pê-wîs-ti-ya ji-ya-nê-ye.**

**B) Ta-va hav-în-ê dij-wa-re.**

**C) Kar-ker çû kar.**

**D) Xwen-din ro-na-hi-ya ji-ya-nê-ye.**

**8- Nîşaneyî li dawiya hevokê tê danîn û her tim piştî wê nivîsîn bi tîpa girs tê destpêkirin, kîjan e?**

**A) Xalebêhnok**

**B) Xal**

**C) Cotxal**

**D) bêhnok**

**9- Peyva ku dikeve piştî nav û çawaniya wî navî diyar dike, kîjan e?**

- A) Cînavk
- B) Hevalkar (Hoker)
- C) Hevalnavê çawaniyê
- D) Hevalnavê diyarkirinê

**11- Nîşaneyâ ku dikeve cihê rawestandinê an jî du hevokan bi hev ve dide girêdan kîjan e?**

- A) Cotxal
- B) baneşan
- C) Bêhnok
- D) pirsنışan

**12- Peyvên hemwate bigihînin hev:**

- |            |                      |
|------------|----------------------|
| - Kavil    | qerimîn              |
| - Hêşedar  | veciniqîn            |
| - Westan   | cihê xaniyê xerabûyî |
| - Hilbeyîn | zêrevan              |
| - Gupik    | cihê herî bilind     |

**13- Cihêñ vala bi peyvên guncav dagirin:**

- 1- Li dawiya her hevokeke ku wateya wê temam bûyî.....tê bikaranîn û piştre nivîsîn bi ..... dest pê dike.
- 2- Em ji wan nivîsên hest, raman û xeyalan bi awayekî hûnandî, bi rêzik û malikan diyar dikin re, dibêjin.....
- 3- Dema çend rêzikêñ helbestê têñ gel hev û bi hev re watedar in, dibin.....

# **BEŞA 2**

REXNEYA LI SER  
PERWERDEYÊ  
KELHA ELODÎNO  
PEZKOVIYÊN CIWAN  
EZ  
MELAYÊ CIZÎRÎ  
ROVIYÊ STEMKAR  
GELIYÊ ZÎLAN  
DAYÎKA MIN  
GULBIHAR  
HÎNDARÎ 2

# WANE 1

## REXNEYA LI SER PERWERDEYÊ

Rexnekirina perwerdeyê mijareke girîng e. Perwerde bi kîjan rîbazî were dayîn, encam jî ser wî rîbazî tê girtin. Gelo mirov ji her awayê perwerdeyê re dikare bêje perwerde? Yêن xwendekar û rewşenbîr bi kîjan awayî, di nava civakê de li xwe dinêrin? Kesên xwendekar û rewşenbîr bi kîjan çavî li yêن nexwendekar dinêrin?



Li gorî van pirsan, hinek kesên perwerdeya xwe li ser bingehê hişmendiya dewlet û desthilatdariyê dibînin, kesayeteke li dijî civakê pêş dixin. Encama perwerdeya şaş a ku li dijî xwezeya civakê ye, ji wan kesên desthilatdar ên ku berjewendiyêن xwe li ser hemû nirxên mirovahiyê digirin, derdikeve holê. Saziya perwerdeyê li gorî hişmendiya xwe sazûman kirine. Ên di wê perwerdeyê re derbas dibin, taybetmendiyêن wan kesên desthilatdar û dewletparêz digirin. Ev kesên wiha xwe li ser civakê dibînin, weke zeviya xwe li civakê dinêrin. Ne civakî ne. Civakê paşketî, hov, nezan û kerî dibînin. Ji xwe kesên ne xwendekar, weke mirov jî nabînin. Li derdora xwe bi çavekî biçûk dinêrin. Xwe di ser her tiştî re dibînin. Sînorê ezezîtiya wan tuneye. Ji ber ku her tiştî bi awayê heyberî bingeh digirin, têr nabin. Ezezîtiyê dixin pêşıya hemû nirxên civakê. Weke kevneşopî, tore, nirxên exlaqî kevn

dibînin û dibêjin pêwîst e, ev bêñ derbaskirin. Weke serxweşan ji xwe hez dikin.

Dibêjin cîhan li derdora me dizivire. Jiyana wan li dijî gotinêñ wan e. Tenê bi kesayeta xwe dihizrin. Pêşketinê bi çend gotinêñ



zimandirêjiyê digirin dest. Zimanê wan zimanekî ezok e. Ji derve weke xwendekar û rewşenbîr têñ dîtin, lê belê hundirê wan vala ye. Zanistê ne ji bo berjewendiya civakê, ji bo berjewendiya kesayetî fêr dibin û pêş dixin. Qaşo li

gorî wan, asta pêşketinê di riya dîplomaya zanîngehê re derbas dibe.

Bêguman xwendekar û rewşenbîrên me yên giranbuha ku hemû xwendekariya xwe ji bo berjewendiya civak û gelê xwe bi kar tînin û ji bo pêşxistina civaka xwe, heta asta pakrewaniyê jî diçin, hene. Xwendekar û rewşenbîrên bi vî awayî pêşeng û nirxên civakê ne.



## **PEYV**

**Rewşenbîr** : Ronakbîr-jîr û zana

**Sînor** : Tixûb

**Ezezî** : Kesên tenê ji bo xwe dihizirin

**Qaşo** : Xwedêgiravî / ji xwe ve

**Dîploma** : Bawername

**Zanîngeh** : Zanko

## **RASTNIVÎS**

### **Kevanek:**

Agahiyêñ ku cihgirtina wan di nav hevokê de ji sedî sed ne pêwîst e, di nav kevanekê de têñ dayîn. Bi derxistina van agahiyan tiştek ji hevokê kêm nabe. Her wiha di nav kevanekê de mirov dikare hemwateya peyveke ku zêde nayê zanîn jî bide.

### **Mînak :**

Xwendekarêñ me ( Hogir, Dijwar, Xemê, Gulan) hatin.

Hevalêñ me li akademiya Ş.Rustem Cûdî (**Rustem Osman**) perwerdeya xwe qedandin.

Bêje (peyv) ji aliyê sazîbûnê ve dibin du beş.

## **PIRS**

**1-** Divê em çawa nêzîkî kesên ne xwendevan bibin?

**2-** Erk û berpirsiyariyêñ xwendekaran li beramberî civakê, ci ne?

**3-** Kîjan xwendekar dibin nirxêñ civakê?

## CUR Û AWA

**Rexne:** Ji nivîsa ku berhemên wêjeyî û pîşeyî hûrkolîn dike, di aliyê wêje û dîroka pîşeyî de rûmetê tîne holê, aliyê wê yê serkeftî û binkeftî diyar dike re **rexne** tê gotin.

Ji bo rexnekirinê, nirxandin çawa tê kirin, divê baş bê zanîn. Bûyer û mijarênu ku wê bi rexnekirinê bêñ nirxandin, divê pêşî werin nasîn. Piştre mirov derbasî rexnekirinê dibe. Bi vî awayî aliyênu erêñî û neyînî têñ dîtin û mirov digihêje darêzê.

Nivîsêñ rexneyî yêñ wêjeyî li ser sê xalêñ sereke pêş dikevin:

- 1- Parastina rastiyê.
- 2- Nêrînêñ rexneyî yêñ kesayetî.
- 3- Nêrînêñ çareseriyê.

## RÊZIMAN

Bêjeyêñ ku ditewin hinek qertafan digirin û bi vê yekê jî zayend û

mêjera wan tê nasîn.

### Qertafêñ Tewangê:

ê (yekjimar û mê)

î (yekjimar û nêr)

an (pirjimar)

## Mînak:

Bêrîvanê mala xwe paqij kir.

Ehmed helbestê dînivîse.

Ez nanî dixwim.

Silêmanî ji gund bar kir.

Gundiyan dibistanek ava kir.

Zarokan cilên nû li xwe kirin.

## Qertafêن Tewangê yên Nebinavkirî:

ekê (yekjimar û mê)

ekî (yekjimar û nêr)

inan (pirjimar)

## Mînak:

Hevalekî ji min re pirtûk anîn.

Hunermendekî stran got.

Gulekê bide min.

Wan li malekê av vexwar.

Pirtûkinan ji me re bînin.

Ez ê lîstokinan ji te re bikirim.

**Têbinî:** Li hin herêman navdêrên nêr bi awayekî din jî ditewînin. Navdêrên nêr ên ku dengê "a û e" di wan de hebin, bi "ê"yê têن guhertin.

## **Mînak:**

Bajar → Min gelek tişt ji bajêr anîn.

Çem → Ehmed li rex çêm rûnişt.

Pez → Şivan pêz dibe çêre.

Welat → Em li welêt dijîn.

## **HÎNDARÎ**

1- Li gorî te çi cudahî di navbera kesekî ezezok û kesekî hêjayî civakê de heye? Bi şêweyê dariştinê binivîse.

# WANE 2

## KELHA ELODÎNO



Kelha Elodîno, kelheke li ser zinarekî bilind hatiye avakirin, sê aliyên wê bi robarê Dicleyê re hatine pêçan. Riya avkêşa di nava kelhê re xwe berdide ser ava Dicleyê. Odeya bacgiran hîn hebûna xwe diparêze. Ji vê kelhê, mirov dikare êrîşen li ser Kurdistanê û berxwedêriya gelê kurd têbigihe.

Belê, danê sibê bû, em ji Germava Nebî Silêman rabûn. Rojê tîrêjên xwe avêtibûn Sîta Imara. Kelekvanan li ser ava Dicleyê, kelekên xwe amade dikirin. Geştyarên ji Cizîrê (Dûjîla Aqor) hatîn, dixwestin derbasî cihê xwe bibin. Em bi wan re li kelekê siwar bûn. Kelekvanê bi navê Reşo, kelek berda avê. Li aliyekî çaydanê li ser tirafa di sêlê de hatî danîn, dikele, li aliyê din jî, kelek bi avê ve xwe berdide, dizivire û diçe. Piştî du demjimêran digihêje Gera Qesrika Elodîno. Em xatirê xwe dixwazin û li wir peya dibin. Derbasî hundirê Qesrika Elodîno dibin. Qesrik bi kils û gêçê (ces), li ser tehtike şayîk hatiye çêkirin. Cihê zincîra bacgiran, di pencereya qesrê de xuya dike. Li wî alî kevirê zincîrê, bala mirov dikişîne. Pêlên avê hildipirijin tehta qesrê. Dengê kewan tevlî dengê avê dibe. Di nava vê xiroşê de hinekî

li wê derê rûdinin, em dixwazin derkevin serê Kelhê. Lê belê tava dijwar, me ditirsîne. Riya me asteng dike. Hinekî disekinin, lê em dîsa neçarin bi hewa bikevin. Dikevin rê, her ku gavekê diavêjin, li serê kelhê temaşe dikin. Ev rê li ber me dirêj dibe. Riya me ya dirêj a ku li ser tehtê bi awayê pêpilkan hatiye çêkirin, ji ber germê hîn dirêjtir dibe.



Em bi hewa dikevin, pêpilkan derbas dikin û diçin serê kelhê. Li ser kelhê kavilên xaniyan, şkeftên li tehtê kolayî û cihê wê yê bilind, me dixe nava hîzrînê. Em digerin, li aliyê wê yê rojava kunek tê dîtin! Ji vê kunê re digotin avdiz. Belê ev kun dirêj e. Ji serê vê kelha bilind di nava tehtê re xwe berdide xwarê! Her pênc, an deh metreyan pencereyek lê hatiye vekirin û xwe berdide, digihe ava Dicleyê. Her ci qas daketina di vê kunê re zehmet be jî, lê ji ber xiroşê em bi xwe nedihesiyan. Dema em ji kunê xwe berdidin, lingê me digihêje nava avê. Ji nava avê derdi Kevin, em ji ber nexweşıya rê naxwazin careke din, di heman kunê re bi hewa bikevin. Li milê kelhê yê rojava careke din bi hewa dikevin ser kelhê û temaşe dikin. Hebûna leşkerên tirk li başûrê wê, geryana me bandor dike. Li wir em çiyayê Botanê li pêşberî xwe dibînin. Keçikênu ku hatine daran ji xwe re stranan dibêjin, hok hoka şivanênu ku pezên xwe berdidin ser avê jî, xwesikbûna vê herêmê nîşan dike. Li milê din rîwiyêne peyade bi hêstiran li Beriha Rima derbas dîbin.

Pezkoviye ji ber wan direve û xwe diavêje Lata Sorê. Ev pezkovî bala me dikişîne li ser xwe.

Belê, kelha kevnar a dîrokî, bermahiyekê cihê berxwedana gelê kurd e. Vê kelhê, di dîrokê de gelek caran erka bacstendina Riya Hevrîsimê girtiye ser xwe.

## PEYV

**Dûjîla Aqor:** Navê Cizîrê yê kevn e

**Kelh:** Xaniyên mezin ên ji bo parastin û jiyanê dihatin bikaranîn.

**Zinar:** Latêن bilind

**Bacgir:** Kesêن bacê digirin

**Sîta Imara:** Navê çiyayekî raserî Amara Torê ye.

**Tiraf:** Kozêن agir

**GeVç:** Kils, Di êtûnan de bi encama şewitandina kevirên spî de derdikeve holê û ji bo spîkirina dîwaran tê bikaranîn.

**Şayîk:** Hilû

**Beriha Rima:** Navê cihekî li rexê ava Dicle ye.

**Riya Hevrîsim:** Riya bazirganiyê ya ji Anatolyayê dest pê dike û heta Çînê dirêj dibe.

## RASTNIVÎS

**Baneşan (!):**

Dema mirov bixwaze peyvek an çend peyvan bi hestekî gur, tirs, coş, xiroş, hezkirin û wêrekî nîşan bide, nîşaneyâ baneşanê tê bikaranîn.

**Mînak:**

Em digerin, li aliyê wê yê rojava kunek tê dîtin! Ji serê

vê kelha bilind di nava tehtê re xwe berdide xwarê!

Ax! Ez diêşim.

Wa dayê! Were em biçin.

Dema ku baneşan di nava kevanekê de were bikaranîn, tê wê wateyê ku nivîskar bi dijwateya wî tiştî bawere.

### **Mînak:**

Pir welatparêz e(!)

Ew mirovekî zana ye(!)

## **PIRS**

- 1- Dema ku dabaşa vê kelhê tê kirin, kelheke çawa tê ber çavêñ te?
- 2- Berê, di vê kelhê de çi hatibû kirin?
- 3- Li gorî mijarê gelê vê kelhê, ava xwe ji ku derê tanîn?

## **CUR Û AWA**

Ji wan curenivîsên cihê geryayî û dîtî, agahiyê komkirî, tiştê pê hesyayî radigihînin re **geryaname** tê gotin.

Kesên zana, agahî û hestêñ di der barê cihê geryayî û dîtî de, bi zimanekî balkêş têdigihînin.

## **RÊZIMAN**

### **Cînavk û Cureyêñ Wan:**

Ji wan peyvêñ ku di cihê navan de têñ bikaranîn erk û rista navan digirin ser xwe re **cînavk** tê gotin.

### **Hinek cînavk ev in:**

- ❖ Cînavkêñ kesane
- ❖ Cînavkêñ şanîdanê

- ❖ Cînavkêن jimarînê
- ❖ Cînavka vegerok

**1- Cînavkêن Kesane:** Ew cînavk in ku cihê navêن kesan digirin.

Cînavkêن kesane dibin du beş: "xwerû û tewandî"

### a- Cînavkêن kesane yên Xwerû:

Ev cînavk, di rewşa xwe ya xwerû de ne û cihê navdêrêن xwerû digirin.

Cînavkêن xwerû: **Ez, tu, ew, em, hûn, ew**

#### Mînak:

**Ez** çûm dibistanê.

**Em** diçin dibistanê.

**Ew** ê biçe dibistanê.

### b- Cînavkêن kesane yên tewandî:

Ev cure cînavk cihê navdêrêن tewandî digirin.

Cînavkêن tewandî: **min, te, wî/wê, me, we, wan**

#### Mînak:

**Min** gul av dan.

**Wan** nan xwar.

**Wê** name nivîsî.

**Me** dibistan şûşt.

### 2- Cînavkêن Şanîdanê:

Ji wan cînavkêن ku dikevin cihê navan û heyînekê nîşan didin re **Cînavkêن Şanîdanê** tê gotin.

### a- Cînavkêن Şanîdanê yên xwerû:

<b>Ev</b>	<b>Ji bo heyînên nêzîk</b>
<b>Ew</b>	Ji bo heyînên dûr

#### Mînak:

Ev baş dixebite.

Ew baş dixebite.

### a- Cînavkêن şanîdanê yên tewandî:

<b>Vî</b>	<b>Nêz</b>	<b>Yekjimar û nêr</b>
<b>Vê</b>	Nêz	Yekjimar û mê
<b>Van</b>	Nêz	Pirjimar
<b>Wî</b>	Dûr	Yekjimar û nêr
<b>Wê</b>	Dûr	Yekjimar û mê
<b>Wan</b>	Dûr	Pirjimar

#### Mînak:

Ez vî baş dinasim

Tu vê xweş bi kar tînî.

Van xelat wergirt.

Wî alîkariya min kir.

Wê ji mamoste pirsîbû.

Wan serî ji dijmin re netewand.

# WANE 3

## PEZKOVİYÊN CIWAN



Herêma Heftenînê, di dîroka civaka kurd de, ji têkoşîna azadiya Kurdistanê re her û her malovanî kirîye. Gelek gundêñ kurd û aşûr-sûryaniyan ev herêma mîna buhiştê bi hev re parve kirine. Di nava vê herêmê de ya herî zêde bala mirovan dikişîne, Deriyê Dawetiyayê ye. Ji ber ku ji dûr ve mîna mirovên govendgirtî tê dîtin.

Li vê herêmê gelek lawirêñ mîna beraz, pezkovî, sivorî, rovî, gur û torî dijîn, ji van lawiran ên herî zêde bala min kişandin, pezkovî bû. Me dixwest ji nêz ve wan bibînin, ne ji bo kuştina wan, lê belê ji bo bedewbûn, narînbûn û heybeta xwezaya wan.

Bi berbanga sibehê re em sê heval çûn ser Deriyê Dawetiyayê, da ku em pezkoviyan ji nêz ve bibînin. Ji bo em pezkoviyan bibînin, divê qet tevger neyê kirin. Ji bo vê me kozikêñ xwe çêkirin û weke miriyan em di kozikêñ xwe de man li benda pezkoviyan.

Taybetiyêñ wan herî zêde li ser çiyayêñ bilind û asê dijîn.

Li derdora demjimêra 5'ê sibehê têن li ser avê, ava xwe vedixwin û ji bo parastina xwe hildikişin cihê herî stratejik, ango herî asê û bilind. Di erda rast de, di demjimerekê de qasî heştê kîlometreyan dikarin bibezin.

Pezkovî cureyeke lawiran e ku komî dijîn. Piştî çêrandina wan, di navbera demjimêrên nîvro de mexel têن, her û her zêrevanek ku

bikare hemû dol û newalêن di bin çavdêriya xwe de, bibîne li cihekî herî bilind û bi heybet zêrevaniyê ji keriyê koviyan re dike. Di navberên diyar de zêrevan jî têن guhertin, da ku zêrevan jî, karibe biçêre û xwe têr bike. Wekî din jî, lawirekî pir bizdokî ye. Di evraziyên herî asê nîv teht de jî dikarin hilkişin û xwe ji latêن sê-çar metreyan ji jêr hilavêjin jor. Pezkovî nêzî 14-15 salan dijîn. Şaxêن wan ji metreyekê zêdetir, weke kevanê ne. Mirov ji bazinêن şaxêن wan dikare temenê wan jî, bizane.



Em di kozikêن xwe de bê tevger disekinîn, hêdî hêdî derdora me ronî dibû. Di kozikêن xwe yên veşartî de, me ew nêzî cihê her car, li ser Deriyê Dawetiyan dîtin. Tişa em li bendê bûn, hat. Di serê kerî de yekî, yekane serê kerî bi dengê firiniya xwe derdixîne û kerî ber bi me ve dikişand. Em bê deng û bê tevger bûn. Di navbera me û pezkoviyan de qasî pêncî metreyan hebû. Bala wan ne li ser me bû. Li gorî xwezaya xwe

tevdigeriyan. Ji nava komê yekê berê xwe da cihê ku her tim lê hîşedariyê digire. Du ji wan ji xwe re hoçan dikirin. Dengê şîqşîqa şaxên wan, qontara ser Deriyê Dawetiyan re belav dibû. Bi qasî deh xulekan li hev xistin û paşê bi yên din re dest bi çêrînê kirin.

Pezkoviya herî bala min kişandî ya zêrevan bû. Li ser latê bi awayekî bi heybet sekinî û bi tevgereke hêdî hêdî li derdora xwe dinêrî. Xwedî şaxekî dirêj û gelekî mûyên bozbûyî di nava mûyên wê yên qemer de xuya dikir. Çav zer bû, li ser zerika çavan rengê reşê mewîjî xuya dikir. Li ser hinarokên rûyê wê, xeteke reş xuya dikir û guhêñ wê yên ber şaxên wê re, hem



xweşikbûneke cuda hem jî şiyarbûna wê ya li hember tirsnakiyêñ derdorê dida pêhesandin. Xwediya stûyekî zirav û dirêj, her wiha gerdenzeriya wê ya ser spîbûnê ve diçû, mirov bi xweşikbûna xwe ve dida girêdan. Şaxên wê heybeteke cuda dida sekna wê. Her wiha her du lingên dawî, bi heybeteke cuda ya mîna kevanê xuya dikir. Li ser simêñ wê mîna xirxalekî ji mûyên reş hebû.

Piştî ku me têra xwe ew dîtin; bi derketina me ya ji kozikên xwe, pezkovî ji nişka ve ber bi aliyê sînorê Bakurê Welat û Cûdî ve revîn.

## **PEYV**

**Heftenîn:** Herêmeke di navbera Cûdî, Zaxo û çiyayê Garê de ye.

**Aşûrî:** Navê neteweyekê ye, di Rojhilata Navîn de dijîn

**Narîn:** Nazikî , ziravî

**Kozik:** Çeper

**Mexel:** Ji rûniştina sewalan-pez re tê gotin-cihê bêhnvedana pez.

**Bizdok:** Tirsok

## **RASTNIVÎS**

Dema tu mijarekê binivîsî, nivîsa xwe bike sê beş.

Di beşa yekem de tişta tu dabaşa wê dikî, bi awayekî kurt bîne zimên.

Di beşa duyem de, mijarê bi awayekî giştî fireh veke. Di derbarê mijarê de tu dikarî gotina ji kesên din jî bigirî, lê van gotinên ku te ji kesên din girtine, di nava dunikê de binivîse.

Di beşa sêyem de bi awayekî pir kurt ramana xwe kom bike. Anglo bila benda dawî ji her du bendên din kurtir be û naverok jî, ji her duyên din dirêjtir be.

## **PIRS**

- 1-** Çi cudahî di navbera pezê kedî û pezkoviyan de heye?
- 2-** Çima pezkovî li ser çiyayên bilind û cihê asê dijîn?
- 3-** Çima nivîskar dixwaze pezkoviyan binase?

## **RÊZIMAN**

Ew jimar in ku bi nivîskî weke peyv têr nivîsîn û li cihê navan têr bikaranîn.

### **Mînak:**

**Çar** hatin.

**Pêncan** ev kar kir.

**Duyan** ji gund bar kir.

**Şeş** di vê refê de jêhatî ne.

**4- Cînavka Vegerok:** Ew cînavk e ku têkiliya wê bi hêmana berî wê re ango bi kirdeyê re heye.

### **Mînak:**

**Wî xwe** dît.

**Min xwe** bi pêş xist.

**Wan xwe** parast.

Azad û Delal **xwe** fêrî xwendinê dikan.

**Têbînî:** Ev cînavk carinan ji bo tekezkirinê jî tê bikaranîn.

**Min bi xwe** got.

Aras **bi xwe** hat.


## **HÎNDARÎ**

- 1-** çend hevokan binivîse û cînavkên jimarîn tê de bi kar bîne.

# WANE 4

EZ

Îro ji dest husna hebîb,  
Sergeşte û heyran im ez  
Min eşq û muhbet bûn nesîb,  
Sewdayê sergerdan im ez  
Eşqê gelek sewda kirin,  
  
Bê mal û bê mewla kirin  
Nûra çira winda kirin,  
  
Mûsayê Imranî me ez  
Mûsa ji dest husna bi nûr,  
  
Şêrîniya xalên di hûr  
Secde bire ber Kohê Tûr,  
  
Nêzîkî remzê wan im ez.  
Remzê ku dê dîlber bikin,  
  
Carek bi çeşman seyr bikin  
Dê Kohê Qaf ker ker bikin,  
  
Mecrûhê pirkovan im ez.  
Min ah ji dest kovan qehran,  
  
Min sebir nayêt li sehran  
Şubhetê mewcên di behran,  
  
Qulzûmê Umaman im ez.  
  
Aşıqan rahetî kêm e,  
Agir û pêta dilê me  
Çend hezar medhan dibême, Muhîtê esîman im ez.



*Feqiyê Teyran*

## **PEYV**

**Sergeşt:** Sergêj

**Muhbet:** Hezkirin

**Sewda:** Evîndar

**Mewla:** Xweda

**Koh:** Lûtkeya çiya

**Secde:** Serî tewandin

**Remz:** Nîşan

**Çeşme:** Li gorî helbestê çav hatiye bikaranîn.

**Mecrûh:** Birîndar

**Şubhet:** Mîna

**Mewc:** Pêl

**Qulzûm:** Okyanûs

**Muhît:** Derdor, hawîrdor

**Medih:** Pesin

## **EM HELBESTVANÊ XWE BINASIN**

Feqiyê Teyran, di sala 1307'an de li Miksê ji dayîk bûye. Navê wî yê rast Mihemed e. Feqiyê Teyran, nasnavê wî ye. Xwendina xwe li Miksê, Hîzan û Cizîrê domandiye. Feqiyê Teyran di sala 1375'an de jiyana xwe ji dest daye.

Hinek berhemên wî ev in:

- 1- Dîwanike helbestan
- 2- Destana Şêxê Senaniyan
- 3- Qewlê Hespê Reş

## PIRS

1- Li gorî te, nivîskar birîndarê çi ye?

2- Helbesta te xwendî, ji çend malikan pêk hatiye?

## CUR Û AWA

**Hûnandî:** Nivîsên hûnandî, ji wan nivîsên ku hestekê, ramanekê yan bûyerekê bi awayê vehûnandî dinivîsin re **hûnandî** tê gotin.

Hûnandî di nava xwe de dibe du beş:

**1- Destan:** Ev curenivîsa wêjeyî bi du raweyan hatiye nasîn. Yek jê ew nivîsên li ser lehengiyan e. Ji aliyê gelan ve hatine hilberîn. Bi awayekî hûnandî li gel pîvanê tên sazkirin. Ev bûyerên girîng ên ku bi serê neteweyan hatine, bi awayekî çêbûyî hatine gotin û vehûnandin.

Du cureyên destanan hene:

**a-** Destana xwezayî.

**b-** Destana çêkirî.

**2- Helbest:** Ji wan nivîsên hest, raman û xeyalan bi awayekî hûnandî, bi rêzik û malikan vedibêjin re **helbest** tê gotin.

Rêzikên helbestan bi pevv û dengêñ wekhev bi dawî dixin.

Di nivîsên helbestî de, hesteke bingehîn heye. Ev hest di tevahî helbestan de ber çavan tê girtin. Ji vê hesta sereke re **ramanêñ bingehîn** tê gotin.

Ji ahenga ku dikeve dawiya rêzikên helbestê re **bare** tê gotin.

Ji wekheviya pevv an qertafêñ piştî bareyê bi heman wateyê tên nivîsîn re, **redîf** tê gotin.

Ji awayê hatina peyvên ku têن gel hev û wateyeke tekûz didin re, **rêzik** tê gotin.

Dema çend rêzik têن gel hev û bi hev re watedar dîbin **malik** tê gotin.

Navê malikan, li gorî jimara rêzan tê danîn.

### **Mînak:**

Ji du rêzikan re **cotik** û ji çar rêzikan re jî, **çarîk** tê gotin.

Helbest li gorî mijara xwe wiha têن rêzkirin:

- 1-** Helbesta pastoral (xwezayî, oldarî û şivanî).
- 2-** Helbesta destanî (epîk)
- 3-** Helbesta sembolîk.
- 4-** Helbesta hînker (dîdaktîk)
- 5-** Helbesta şanoyî (dramatîk)
- 6-** Helbesta pesindanî (satirîk)
- 7-** Helbesta coş, tejî îlham (lîrîk)

### **HÎNDARÎ**

- 1- Çima nasnavê Feqiyê Teyran li helbestvan hatiye kîrin?

# WANE 5

## MELAYÊ CIZÎRÎ (1407-1481)

Hozan û wêjevanê me yê navdar, di esmanê wêje û hozanvaniya kurdî de heta niha jî, stêrkeke geş e. Cihekî bilind ê awazên wî di nava zanistên cur bi cur û wêjeyî de heye. Dîwana wî, heta îro jî di destê wêjevan, hozanvan, oldar, evîndar û civakan de weke mînakeke jêderî tê pejirandin.

Navê rast ê Melayê Cizîrî “Mele Ehmedê Kurê Şêx Mihemedê Botî” ye. Di sala 1407'an de li Cizîra Botan ji dayîk bûye. Bavê wî Şêx Mihemed, ji binemaleke Şêxê Bermalê bû. Li gorî reftarên wê demê, binemaleke xwendevan bû. Melayê Cizîrî waneya xwe ya zanistî di destpêkê de ji bavê xwe digire. Piştre li Cizîr, Colemêrg, Amed û Amêdiyê bi serkeftî dest bi xwendinê kiriye.



Melayê Cizîrî, di zanistên erebî, farisî, kurdî û tirkî de gelek pêşketî bû. Heta 32 saliya xwe, xwendinê berdewam dike. Destûrnameya xwe ya zanistî di heman temenî de li gundê Stêrbasê yê girêdayî Amedê, li cem Mela Tahir digire. Çend salan li gundê Serba yê girêdayî Amedê dibe mela. Li herêma Amedê gelek wane û bawername jî, dane.

Piştî serdaneke Heskîfê, demekê li wê derê jî, dimîne. Piştre rewşa evîndariyê serî jê distîne, li gorî pileya zanista wê demê, bawer dikirin ku Melayê Cizîrî bûye evîndarê keçekê û bi gelek navan bang kiriyê. Lê li gorî lêkolînên li ser helbestên wî, bûye evîndarê welatê xwe, Kurdistan. Ji ber wê jî, wî di helbesta xwe de gotiye: ***Ez çira şevtariya şeva Kurdistan im, gula bihuştta baxên Botan im.*** Ji ber vê evîndariya niştîmanperwerî, dest bi stran û helbestên dîwanî dike. Lê ji ber ne têgihîştina gel, Melayê Cizîrî baş nehatiye nasîn. Di çavêن gel de weke dîn tê dîtin. Piştre diçe Cizîra Botan. Li ***Medreseyâ Sor*** dimîne û nav û dengê wî li cîhanê belav dibe.



Di sala **1481**'an de, li Cizîra Botan diçe ber dilovaniya Yezdan û li Medreseyâ Sor tê veşartin. Heta niha jî, li Medreseyâ Sor, gora Melayê Cizîrî bermayeke dîrokî û ziyaretgeha gelê kurd e.

Bermayeke Melayê Cizîrî bi navê ***Dîwana Melayê Cizîrî*** ya wêjeyî, folklorî heye. Di

Kurdistan û cîhanê de gelekî bi nav û deng e. Dîwana wî ya helbestan bi gelek zimanên biyanî hatiye wergerandin û çapkiran. Weke îngilîzî, Rûsî, Farisî, Erebî û ...

## **Têbînî:**

*Di sala 1958'an de "Dîwana Melayê Cizîrî" ji aliyê Şêx Ehmedê kurê Mela Mihemedê Zivingî yê Miftiyê Qamişlo ve li Rojavayê welêt hatiye şîrovekirin. Şîrovekirin bi du bergen (cild) û ji aliyê nivîskar bi xwe ve hatiye çapkirin.*

## **PEYV**

**Wêje:** Tore, Edebiyat

**Awaz:** Newa-Sazkirina dengê mûzîkê

**Dîwan:** Pirtûka helbestan

**Botî:** Navê eşîrek û herêmeke Cizîra Botan e.

**Reftar:** Şêweyê ku yek bi wê kar û tevger dike

**Medreseyâ Sor:** Navê mizgefteke navdar e, li Cizîra Botanê ye.

## **RASTNIVÎS**

Xwendekarêن hêja!

Mijara li jêr bi baldarî bixwînin, li cihêن têن xwestin nîşaneyê xalbendiyê deynin û kêmasiyê nivîsîskî de sererast bikin.

"Melayê Cizîrî di zanistêن erebî farisî kurdî û tirkî de gelek pêşketî bû heta 32 saliya xwe xwendinê berdewam dike destûrnameya xwe ya zanistî di heman temenî de li gundê stêrbasê yê girêdayî amedê li cem mela tahir digire çend salan li gundê serba yê girêdayî amedê dibe mela li herêma amedê gelek wane û bawername jî dane "

## **PIRS**

- 1-** Kengî û li kû derê Melayê Cizîrî ji dayîk bûye?
- 2-** Melayê Cizîrî li kîjan bajaran xwendina xwe qedandiye?
- 3-** Çima Melayê Cizîrî di cîhanê de navdar e?

## **CUR Ü AWA**

Ji nivîsên jiyana kesan bi baldarî têdighînin re **jîname** tê gotin.

Jîname, bi awayekî dîrokî nivîsa jiyana kesen di civakê bi banor, bi şeweylekî giştî, bi baldarî pêşwazî dike.

Di jînameyê de cih û dîroka jidayîkbûn, rewşa derdor, erkên kirîn, taybetmendî, xebat, bandora wan û beşen wan ên hunerî, ger miribe, cih û dîroka mirina wan, piştî mirinê, nivîsên li ser wan hatine nivîsîn û ger hebin destnivîsên wan têن nivîsîn.

## **RÊZIMAN**

**Daçek:** Ji aliyê wateyê ve hevokan temam dikan; daçek ne ji ber wateya xwe lê ji ber peywira xwe weke peyv têن pejirandin.

**Daçekênbingehîn:** ji, li, bi, di... de.

**Daçekên hevedudanî:** Daçekên hevedudanî bi piranî ji daçekeke bingehîn û ji bêjeyeke ku cih û aliyekî nîşan didin pêk hatine. Her daçekeke resen komek daçekên hevedudanî çêdike.

li: li paş, li ser, li dor, li ber, li nav, li cem...

bi: bi dûv, bi bin, bi ser, bi dor...

ji: ji paş, ji dor, ji aliyê, ji nav, ji kêleka...

di: di ber de, di bin de, di nav de, di ser re, di bin re, di dor re, di nav re...

## **Mînak:**

Bila av te bibe, lê **di ser** pira nemrdan **re** derbas nebe.

Barê giran **li ser** milan.

**Li bin** defa her kesî govendê negire.

**Li dû** tariyê ronahî ye.

**Ji ber** şirikê çû ber mezrîbê.

**Di nav** wan de gelek kesên baş hene.

## **HÎNDARÎ**

- 1- Tu jî li ser wêjevanekî kurd, lêkolîn bike û jînameyekê binivîse.

# WANE 6

## ROVIYÊ STEMKAR

Roviyek hebû pir ziyan dida derdorê, ji ber wê her kes jê direviya. Rojekê hizirî û ji xwe re got: "Ger ez kirasekî olî li xwe nekim, bi wî rengî nekevim tevgerê, ez ê li van deran ji birçîna bimirim, ji ber ku her kesî ez nas kirime.

Rovî: "EZ ê rabim biçim

hecê, Bixwim  
mirîşka Xecê,  
Bikim hîle û fenda  
Heta herime gunda."

Rabû şaşikek da serê xwe, tizbiyek kir stûyê xwe û xwe berda nava gundekî. Dît ku mirîşk dicêrin,

Li ser sergo dinêrin,  
Rovî giha dehma wan,  
Silav kir ser dîkê wan.  
Dîk silava wî veda,  
Hema hêdîka çik da.



Rovî: "Seyda tu li ser van sergoyan ci dikî? Were em herin mala Xweda, tu kesekî melayî."

Dîk:

"Pir me dîne te xwarin,

Ji hingî ve şiyar in."

Rovî hat û hûrhûrî,

Tizbe hejand korkorî.

"EZ bûme gunehkar,

Lê min tobeye ji fêlên par."

Bi vî awayî dîkê feqîr xapand û bi dîk re ketin rê. Hinekî ji gund derketin, dîtin kewekî dengxweş dixwîne. Rovî nêzîk bû û silav kir.

Kew silava wî veda,

Hema hêdîka fir da.

Rovî jî banî kirê: "Erê wa feqî çîma tu dibî şeqî? Were va seydayê te bi min re ye, em herin hecê."

Dema kew dît ku rovî û dîk bi hev re ne, baweriya wî hat, ew jî ket rex wan û rêuwîtiya xwe berdewam kirin. Gihan ber ava çêm, nêrîn ordekek li wê derê ye. Rovî silav li ordekê kir, ordekê silava wî veda û xwe berda nava avê.

Rovî:

"Seyîd! Tu ji nisla resûlî


Li van deran çi dikî, bêxwedî,

Were em herin Medînê,

Da tu cidê xwe bibînê."

Wê jî bawer kir û ket rex wan.

Li wan bû êvar.



Rovî: "Em tobedar in, divê em bikevin kunekê da ku tebayêñ din me nexwin."

Gerîyan kunek dîtin û her çar bi hev re ketin kunê.

Rovî:

"Ez bûme gunehkar,

Ez ê bibim nobedar",

Rovî rabû nobet girt,

Derê kunê taze girt.

Nîvê şevê dibore,

Dîko rabû diqîre.

Rovî: "Ev çi ye, ne wextê nimêjê ye, ev çi oldariya sexte ye tu dikî?"

Dîk: "Ne sexte ye."

Rovî li feqe zivirî: "Feqe bêje, weke min gotî, yan weke mela gotî?"

Feqîrê feqe, li çavêñ rovî nêrî û tirs ket dilê wî û got: "Weke te gotî, ne weke mela gotî."

Rovî serê dîk jê kir,

Li paşıya kunê kir.

Ketiye serê siharê,

Kew jî rabû diqebe,

Ew ji xwe re dixwîne

Ji Quran û Yasînê.

Rovî: "Çi adet, Quranê dixwîne xelet."

Feqe: "Ne xelet e."

Rovî li ordekê zivirî: "Seyîd weke min gotî yan weke feqe gotî?"

Seyîd: "Weke te gotî, ne weke feqe gotî."

Rovî serê feqe jî jê kir,

Li dawiya kunê kir,

Ma seyîd û ma rovî,

Seyîd ji tirsa nalivî.

Rovî: "Erê seyîd tu dibêjî ez  
seyîd im, ka eslê te, ka secera te,  
çima tu ev qas derewan dikî?"  
Seyîd: "Hecî tu pir başî, Lê  
xeber belaşî, Min hebû birayekî  
biçûktır,

Eslê min wî bi xwe re bir, Ger tu bixwazî ez ê,

Herim bînim birayê xwe, Du şahid û eslê xwe."

Rovî tema bû û got: "Baş e here bîne, Lê belê pir nemîne."

Rovî derê kunê vekir, seyîd derket ji derive û got:  
"Hecî ser çava, Rebî mala te ava."

## PEYV


**Ziyan:** Xerabî, Zirar

**Şeqî:** Nerihet-nesekinî-şûm

**Secere:** Dara binemalê nîşan dide.

## RASTNIVÎS Pirsnîşan: (?)

Ev nîşane li dawiya hevokên pirsiyariyê tê bikaranîn.  
Hevokên pirsiyariyê bi peyvên pirsiyariyê ji hevokên din cuda  
dibin.



**Mînak: Ma** Şiyar hat?

**Kengî** Karwan çû?

Carinan hevokêن asayî bi rêya kirpandinê dibin hevokêن  
pirsyarî:

Şiyar hat.

Şiyar hat?

Karwan çû.

Karwan çû?

## **PIRS**

**1-** Çima rovî pêwîst dît ku kirasê olî li xwe bike?

**2-** Kew bi ci hat xapandin?

**3-** Çawa seyîd ji rovî rizgar bû?

## **CUR Û AWA**

Di çanda kurdî de çîrok carinan hûnandî û carinan jî pexşan têن  
gotin û nivîsîn.

Çîrok bi armanca perwerdekirina civakê têن nivîsîn û ji nifşekî  
derbasî nifşekî din dibin.

## **RÊZIMAN**

### **Hevalnav (rengdêr)**

Hevalnav ew bêje ne ku çawanî û mêtjera navdêran bi me didin  
nasîn.

### **Hin cureyên hevalnavan:**

**1-** Hevalnavêن çawaniyê

**2-** Hevalnavêن şanîdanê

### 3- Hevalnavêne nebinavkirî

**1- Hevalnavêne çawaniyê:** Ev hevalnav rewşa navan bi me didin nasîn.

#### Mînak:

Hevalên **hêja** karêne **baş** dikan.

Zozanên **xwes** ên Kurdistanê ne.

Gula **spî** simbola aşîtiyê ne.

**2- Hevalnavêne şanîdanê:** Ev hevalnav navdêran bi riya nîşanê diyar dikan.

#### Mînak:

Ev dibistana mezin a me ye.

Ew dibistana mezin a me ye.

**Wê** Şagirtê bawernameya xwe wergirt.

**Vî** zarokî silav li min kir.

**1- Hevalnavêne nebinavkirî:** Ew hevalnav in ku navan bi awayekî nediyar bi me didin nasîn.

#### Mînak:

**Hin** karker li vê kargehê kar dikan.

Em rastî **gelek** mirovên baş hatin.

Nêçîrvanan **çend** xezal girtin.

**Hemû** xwendekarêne vê zanîngehê jêhatî ne.

## HÎNDARÎ

Tu jî çend hevokan li ser hevalnavêne nebinavkirî peyda bike û di lênuşa xwe de binivîse.

# WANE 7

## GELIYÊ ZÎLAN

Kurdan, êrîşên li ser Noşarê, bajarê Erdîş û Bargiriyê jî, ji bîr nekiribûn. Bi awayekî pir tund êrîş li ser van bajaran jî çêbûbûn. Pêşengên van hêzan, rewşa di vê germahiya êrîşê de jî, ji bîr nekiribûn; wan ez agahdar kiribûm. Ez û pêşengên herêmên din jî li benda fermanêن ku di fermanameyê de bûn, da ku dest bi şer bikin .



Ji bo parastina Kelha Noşarê, girên bilind pir baş hatibûn qayîmkirin. Ji xwe kelh jî li cihekî pir bilind hatibû avakirin. Bi vî awayî li hember lehiya êrîşan, şervanêن leheng ên kurd, 24 demjimêran jî xwe ranegirtin. Noşarê windahiyeye mezin da û ket destê kurdan. Fermandar di şer de hatibû kuştin. Serbaz û leşkerêن ku ji mirinê rizgar bûbûn, dîl hatibûn girtin. Ji aliyê din ve jî, di roja pêşî ya êrîşê de gelê kurd beşeke Erdîşê û bajarê Bargiriyê hemû bidest xistibûn. Beşeke Erdîşê û Kelha Bargiriyê di destê hêzên tirkan de mabûn. Desteya ku ji bo girtina riya Wan-Erdîşê hatibû şandin, bûbûn cangoriyêن bêewlekariya xwe. Vê desteyê bi wêrekî û lehengiyeye mezin, li gel serkeftinêن matmayî canêن xwe dan; wisa kirin ku li ser hêzên tirkan rewşa tirsê dan çekirin û rewşa Erdîşê hat guhertin. Bûyer wiha ges bûye; tirk ji Wanê ji bo hewara Erdîşê biçin, çend top û komek ji leşkeran dişînin .

Ev desteya kurdan li nêzî Erdîşê, riya wan dibirin. Piştî şerê nîv demjimêrê, leşkerên tirkan ên ku têdigihin, wê jê rizgar nebin, radestî wan dibin. Şervanê Hayderî çawa dibînin ku tirk radestî wan dibin, ji kozikêن xwe derdikevin, da çekêن wan bigirin. Dema fermandarê tirkan dibîne ku jimara şervanêن kurdan kêm e, ji bo radestkirinê jovan (poşman) dibe û ferman dide leşkerên xwe da dest bavêjin çekan û êrîşî wan bikin. Bi vê berdanê re fermandarê Desteya kurd û çend şervan têن kuştin, ên mayîn jî heta guleyêن xwe yên dawî şer dikin. Di dawiyê de ew jî şehîd dikevin. Bi vî awayî hewara hêzêن tirk ên alîkariyê digihêjin Erdîşê.

Êrîşa pêşî ya li ser Erdîşê, ji aliyê Bekiriyan ve hatibû kirin. Çek û cebilxaneyêن van têra wan nedikirin. Ji ber kêmbûna çek û cebilxaneyêن wan, nikarîn Balefirgehê dagir bikin. Van mirovan, bi rê û rêbaza xwe ya kurdewariyê ku dibêje; "*Li cihê ku ez dîl bijûm, bila bi mîrxasî bimirim*", bê çek bi kuling, bêr û biviran êrîş biribûn ser wan û di ber evîniya xwe ya "azadiyê" de çend cangorî dabûn. Balefirgeh bi dest xistibûn û leşkerên wê derê dîl girtibûn û dest danîbûn ser çekêن wan û bi vî awayî du firokeyêن wan jî girtibûn. Lê belê ne dizanîn bidin xebitandin, ji ber neçariyê ew firoke şewitandibûn.

Îhsan Nûrî Paşa

Serhildana Çiyayê Agirî

## **PEYV**

**Noşar:** Nûrşîn, navçeyeke Bidlîsê ye.

**Erdîş:** Navçeyeke Wanê ye.

**Bargir:** Navçeyeke Wanê ye.

**Fermaname:** Nameya fermanê

**Serbaz:** Serleşker

**Şervanêñ Hayderî:** Şervanêñ bi baldarî tev digerin.

**Radest:** Dayîna dest

**Balefirgeh:** Cihê balefir lê radiwestin û radibin.

## **PIRS**

**1-** Bi xwendina vê mijarê re, hesteke çawa bi te re çêdibe?

**2-** Desteya kurd berxwedaneke çawa nîşan da?

**3-** Dema Geliyê Zîlan tê gotin, ci tê bîra te?

## **CUR Û AWA**

Ji nivîsên tişta bi serê nivîskar de hatî yan jî nivîskar bûyî şahidê bûyerê radighîne re **bîranîn** tê gotin.

Pêwîst e bîranîn xwe bispêre rastiyê. Zimanê wê xwerû, têgihandina wê bi bandor be.

## **RÊZIMAN**

**Hoker:** Ew bêje ne ku lêkeran ji aliyê rewş, dem, cih û bergeh û çendaniyê ve diyar dikan.

### **Hin cureyêñ hevalkaran:**

1- Hevalkarêñ çawaniyê (rewşê)

2- Hevalkarêñ demê

**1- Hevalkarêن çawaniyê (rewşê):** Ev hevalkar rewş û çawaniya karê ku tê kirin, nîşan didin.

### **Mînak:**

Em **zû** çûn gund.

Pîremêr **hêdî hêdî** dimeşin.

Ez duh **bi dizî** hatim malê.

Ew **bi nezanî** kar dike.

**2.Hevalkarên Demê:** Ev cure hoker dema karê ku tê kirin diyar dikin.

**Mînak:** Ji duşemê ve nehatiye cem min.

**duh** çû gund. Ew

**Sibe** were mala me.

**Par** çandinî baş bû.

Ez ê **îşev** li vir bimînim.

## **HÎNDARÎ**

**1- Îhsan Nûrî Paşa kî ye? Lêkolîn bike.**

# WANE 8

## MIJARA SERBEST DAYÎKA MIN



Di wan şevêñ tarî de, te ji min re dilorand. Her qêrîneke min hezar carî êş dixist dilê te. Li ber serê min rûdiniştî, heta tîrêjên rojê didan cîhanê. Min tenê gava li çavêñ te yên reş dinêrî, dayîka min di nava çavêñ te yên melûl de min evîna dayîkan didît.

Li vê cîhanê, ez ji te, têr nebûm. Belkî li cîhana din, belkî li buhiştê, em hev bibînin. Gava roj sor dibe, xwe dixemilîne û di pişt asoyan re diçe ava, ez di nava xeyalêñ xwe de, li dayîka xwe digerim. Weke bilbilê her roj bixwîne, li hêviya vebûna gulê be, dayîka min! ez jî bi hesreta dîtina te me, tenê carekê te bibînim, derdêñ xwe ji te re bêjim, te bêhn û hembêz bikim, bes e!. Li çavêñ te yên reş binêrim û evîna dayîkê bibînim.

Ez li ezman, di nava ewran de gava stêrkan ji xwe re dilîst, di nava xeyalêñ xwe de digeriyam. Ez di nava deryayê de weke masiyekê her tim, dilîstim. Weke masiyeke ku nikaribe ji avê qut bibe, dimam û li dayîka xwe digeriyam. Di nava şevêñ tarî de, bi dengê şîrqîna birûskan, bi qêrîna bahozê re ez li dayîka xwe digeriyam. Di wan şevêñ tarî de ku çav çavan nabînin, ez digeriyam. Ji dûr ve min xwe li çirûskeke ku ji ber agirekî geş mabû, girt û bi dilekî kul û bi hesreteke mezin, derdê xwe ji wê çirûska êgir re got. Hêviya min ew e ku ez dayîka xwe, di bin siha azadiyê de bibînim.

Ji ber hesreta dîtina te, di jiyanê de bitevger im, dayê. Weke berekê di çola havînê de bê av bimîne û li hêviya dilopek av be.

Dayîka min, ez bi hesreta te û tenê te carekê bibînim û serê xwe deynim ser zenda te û bêjim: "Dayîka min, gula biharê û çîmena ber çeman!"

*Ş. Çîmen Herekol*

# WANE 9

## GULBIHAR

Gulbihar, gula biharê

Tu xeml û rewşa Adarê  
Her sal weke îro li darê  
Gulbihar rewşa Adarê

Çîçek û gul û nesrîn e  
Nêrgiz û lal û gulçîn e  
Sînem û kal sosinî ne  
Gulbihar rewşa Adarê

Sorgul û rîhan, bibîn in  
Binefş û çîmen şirîn in  
Li ba yara xemrevîn in  
Gulbihar rewşa Adarê

Xemrevîna dildaran tu  
Serwera evîndaran tu  
Dilkuştiya ciwanan tu  
Gulbihar rewşa Adarê

*Celadet Bedirxan*



## **PEYV**

**Sosin:** Kulîlkeke li Kurdistanê çêdibe.

**Lal:** Bi wateya kulîlka laleyê bi kar ankiye.

**Gulçîn:** Di wateya beşen gulan de hatiye bikaranîn.

**Binefş:** Kulîlkeke rengê wê mov e.

**Sînem:** Cureyeke gulan e.

**Nesrîn:** Navê kulîlkekê ye.

## **EM HELBESTVANÊ XWE BINASIN**

Celadet Bedirxan, ji binemala Bedirxaniyan e. Kurê Emîr Elî Bedirxan e. Celadet Bedirxan di sala 1897'an de li Stenbolê ji dayîk bûye. Celadet Bedirxan li ser ABC'ya kurdî ya Latînî, rêzimana kurdî û helbestan xebateke giranbuha kiriye.

Celadet Bedirxan, di sala 1951'ê de çûye ser dilovaniya Yezdan.

## **PIRS**

**1-** Li gorî helbestê, tiştên xeman direvînin, ci ne?

**2-** Di helbestê de Gulbihar di wateya ci de hatiye bikaranîn?

## CUR Û AWA

Helbesta li jor mirov dikare bi du rengan bigire dest. Ji ber ku tê de xweşikbûna xwezayê heye, weke helbesteke pastoral, her wiha ji ber di hinek rêzikên wê de mînandin (îstîare) heye, helbesteke sembolîk e.

### Pîvan:

Ji wekheviya kiteyên rêzikên helbestan re **pîvan** tê gotin.

### Mînak:

"Sorgul û rîhan, bibîn in  
Binefş û çîmen şîrîn in  
Li ba yara xemrevîn in  
Gulbihar rewşa Adarê"

Weke di malika jor de jî tê dîtin, dema em bixwazin helbestekê bi pîvan binivîsin, pêwîst e jimara kiteyên rêzikên helbestê bi qasî hev bin. Carinan dibe ku hejmara kiteyên du rêzikan bi qasî hev bin, lê jimara kîteyên du rêzikên li pey wan cuda bin.

**Bare**, li gorî ahengiya dengên li dawiya rêzikan, dibe çar beş:

- 1- Bareya lawaz (nîv)
- 2- Bareya tam
- 3- Bareya dewlemend
- 4- Bareya hevdeng (cînas)

Bareya helbesta we xwendî, bareya tam e.

Ji wekheviya du dengên li dawiya rêzikên helbestan re **bareya tam** tê gotin.

## HÎNDARÎ 2

Bersiva rast hilbijêrin.

**1- Ji wan curenivîsên cihê geryayî û dîtî, agahiyê komkirî, tiştên hîskirî radigihîne re çi tê gotin.**

- A)** Rexnekirin
- B)** Wêneyîkirin
- C)** Jîname
- D)** Geryaname

**2- Di kîjan hevoka li jêr de hevalkara demê hatiye bikaranîn?**

- A)** Aram bi lez çû.
- B)** Azad par xwendekar bû.
- C)** Gulîzer li pêş dibeze.
- D)** Aheng li jor rawestiya ye.

**3- Pêwîst e li ser kîjan hevoka li jêr pirsnîşan bê bikaranîn?**

- A)** Ew pênûsa min e.
- B)** Karker ji kar zivirîn.
- C)** Ma ev xwendekar e.
- D)** Mam Şêwan xemgîn e.

**4- Di kîjan hevoka li jêr de hevalnavê şanîdanê heye?**

- A)** Ev xwendekar, kesekî rêzdar û jêhatî ye.
- B)** Ev hem zana, hem pêşketî ye.
- C)** Wî pirtûk xwend.
- D)** Min hevaltiya vî kir.

**5- Di kîjan hevoka li jêr de baneşan nayê bikaranîn?**

**A)** Wax çi birîneke kûr e.

**B)** Wa Berfîn were em biçin.

**C)** Heval, ev mala me ye.

**D)** Delalê negirî.

**6- Peyvîn dijber bi xêzekê bigihîne hev:**

Azadî	kovî
Dûr	dirêj
Çûn	destpêk
Ronî	nêzîk
Hêdî hêdî	tarî
Reş	hêsan
Kurt	bilez
Dawî	spî
Kedî	hatin
Zehmet	paş
Hişk	nerm
Pêş	bindestî

**7- ji van hevokan kîjan hevok tê de hevalnavêñ çawaniyê hatiye bikaranîn.**

a- Sorgul û rîhan bibîn in.

b- Ew ji xwe re dixwîne.

c- Em di ber dibistanê re derbas bûn.

d- Me duh li şanoyekê temaşe kir.

**8- kîjan ji yên li jêr ne ji daçekên hevedudanî ye?**

a- Bi      b- Li ser      c- li hember      d- di ber re

# **BEŞA 3**

DAXWAZNAME  
DÎROK Û SIRÛD  
BILBILÊDILŞAD  
NAME JI BO DAYÎKÊ  
TIL HELEF  
GIRÎNGIYA XWENDINÊ  
PEYAMA NEWROZÊ  
SIYABENDÊ SILÎVÎ Û XECÊ  
HÎNDARÎ 3

# **WANE 1**

## **DAXWAZNAME**

**Ji bo Rêveberiya Koîmteya Perwerdeyê ya Qamişloyê,**

**Di dawiya sala perwerdeya 2013/2014'an de pêşbirka ji aliyê we ve bê lidarxistin, bi çend hevalên xwe re em jî dixwazin besdar bibin.**

**Ger daxwaza me bê pejirandin em ê kêfxweş bibin.**

**24/06/2013**

*Navnîşan: Viyan Penaber/*

*Kolana Qudûrbeg 14/*

*Şanenav Qamişlo*

## **RASTNIVÎS**

**1- Di daxwaznameyê de rêzika weke sergotar tê bikaranîn an tev, an jî destpêka her peyvê bi tîpa mezin tê nivîsîn û di dawiya wê de bêhnok tê bikaranîn.**

**2- Di nivîsa daxwaznameyê de pêwîst e hemû daxwaz bi rêzdarî werin nivîsîn.**

**3- Di navbera hejimarên bi hev ve têkildar, xêzexwar (/) tê danîn.**

### **Mînak:**

- Perwerdeya me ya 2013/2014'an dê sibe dest pê bike.
- Di 24/06/2014'an de me ji bo rêveberiya dibistanê daxwaznameyek nivîsî.

## **PIRS**

- 1- Daxwazname çi ye?
- 2- Mirov ji ber çi daxwaznameyê dinivíse?

## **CUR Û AWA**

Ji nivîsên ji bo daxwaza kes, kom û gazinê wan an jî rewşekê ji cihê peywendîdar radighîne re **daxwazname** tê gotin.

Divê daxwazname li ser kaxeza spî ya bê xêzik û ji pîvanêن wê ku bi pênuşa reş an jî şîn, bê nivîsîn.

## **RÊZIMAN**

**Lêker:** Ji peyvên ku kar, tevger, bûyer û rewşekê diyar dîkin re lêker tê gotin.

### **Mînak:**

Kêfa min ji helbestên Cegerxwîn re tê.

Me li ser dîroka Kurdistanê **lêkolîn kir**.

Zelal di rojnameya Ronahî de **dixebite**.

Deriyê malê ji nişka ve **vebû**.

### **Lêker li gorî çêbûna xwe dîbin sê beş:**

**1- Lêkerên Xwerû:** Ew lêker in ku tu qertafan nagirin.

### **Mînak:**

anîn, avêtin, çûn, birin, dîtin, dan, firotin, gotin, hiştin, lîstin ...

**2- Lêkerên Pêkhatî:** Ew lêker in ku bi alîkariya qertafêñ sazker têñ bidestxistin.

### Mînak:

Qertafêن sazker	Lêkerên xwerû	Lêkerên pêkhatî
da-	Ketin, girtin	Daketic, dagirtin
çê-	Bûn, kirin	Çêbûn, çêkirin
hil-	Girtin, dan	Hilgirtin, hildan
ra-	Hiştin, xistin	Rahiştin, raxistin
rû-	niştin	Rûniştin
ve-	Kirin, xwarin	Vekirin, vexwarin
wer-	Girtin, kirin	Wergirtin, werkirin

**3- Lêkerên Hevedudanî:** Ew lêker in ku ji du peyvên watedar pêk tên.

### Mînak:

avakirin, diyarkirin, sorkirin, hişyarkirin, bilindbûn, sarbûn, avabûn, nexweşketin ...

## HÎNDARÎ

Daxwaznameyekê bi awayê destnivîsê ji rêveberiya dibistanê re binivîse.

# WANE 2

## DÎROK Û SIRÛD



Agirî çiyayekî bilind e. Di nava kirasekî spî de rapêçandî ye. Serî bi mij û dûman e û çiyayekî berz û kevnar e. Ziyaretgeha dîndar, evîndar, derwêş û bîreweran e. Warê şervanan û kaniya xurtî û mîraniyê ye. Navenda serhildanan e. Agirî, çiyayê ji agir e, çiyayê serî li asîmanan û kelha parastina xwedîyê xwe ye. Kelha Xoybûnê ye.

Li ber qontarên Çiyayê Agirî, şervanên kurd, çekdar, dengdar û strana Agirî ne. Bi dengekî, hemû bi hev re, li nik wan fermandarêwan; Îhsan Nûrî Paşa, Biro Heskê, Têlî Paşa, Temerê Şemkî, Şefdîn Beg û Ferzende Beg hebûn.

Li hemberî wan jî Îskender Beg bû. Anglo Memdûh Selîm Beg. Ala kurd a rengîn li zinarekî bilind dibe, dinya sar e û berf li ser çiyê ketiye. Bilindahiyê çiyê di nava berfê de, bûne xwedî kirasekî spî.

Sirûda şervanên kurd, Destana Serhildana Kurd a Agirî ye... Şervanên kurd xêrhatin li Îskender Beg dikirin. Îskender Beg, çend kurdêن Îranê û du ermenî, li şervanên kurd dinêrîn. Bêdeng û biken, dilê wî weke dengê Çiyayê Agirî hildiavêt. Germ û bileyz, heyecenake mezin, dil û mejiyê wî girtibû.

Xwedawo! "Tu qadirî,  
ma min ê ev roj jî


bidîta? "Leşkerên kurd, fermanderên wan û ala kurd, axa rizgarkirî. Jiyaneke ji nîr û zordariyên xerîban dûr e..."

Îskender Beg: Gelî

hevalan... Hûn bi xêr û xweşî hatin. Em, leşker û fermandarên Şoreşa Kurd A Çiyayê Agirî silav li we dikin. We, em kêfxweş û serbilind kirin. Bi xêr bin." Dengê Îhsan Nûrî, dengekî xurt û hisk, yanî dengê serleşkerekî bû.

Îskender Beg kelegirî bû. Ji kêfxweşî û heyecanê, deng jê dernediket. Wî dizanî, eger ew devê xwe veke, ew dê bigirî. Tu carî tiştekî wiha neqewimîbû, ew, wiha bi agirê heyecanê nehatibû sotandin, pêtên heyecanê qet bi vê xurtiyê bi ser wî de nehatibûn.

Li ber çavêن hemûyan Memdûh Selîm Beg tiştekî dike; ew çokêن xwe datîne erdê, berjêrî erdê dibe û axa reş radimûse.



Sê caran giran, giran. Li pey ramûsandina axê re ew mistekê ji axê dixe nava lepêن xwe, axa reş bêhn dike. Dirêj dirêj, ew li axê, ala çiya û şervanên kurdan dinêre.

Îhsan Nûrî Beg tê û wî ji erdê radike. Ew bi ken li hev dinêrin û hev hembêz dikin. Bi dirêjiya xulekan, paşê jî ew, bi hev re ber bi fermandar û şervanan ve diçin. Îhsan Nûrî Beg wan yek bi yek, bi Memdûh Selîm Begê dide nasîn. Ew jî wan, yek bi yek hembêz dike.

"Begê min Îhsan, ez dixwazim ala serbestî û azadiyê jî ramûsim. Ji min re vî tiştî jî bike, ji kerema xwe re, wê bîne, ez wê ramûsim û bêhn bikim. Bêhna serbestî û azadiyê bigirim..."

**Mehmed Uzun  
Ji romana 'Siya Evînê'**

## **PEYV**

**Berz:** Mezin, Bilind

**Xoybûn:** Navê tevgereke kurd bû.

## **EM WÊJEVANÊ XWE BINASIN**

Mihemed Uzun, di sala 1953'yan de li Siwêreka girêdayî Rihayê ji dayîk bûye. Dibistana seretayî, navîn û amadehî li Siwêrekê xwendîye û li Zanîngeha Enqereyê beşa Mamostetiya Teknîkî ya Bilind, xwendîye. Ji ber zordariya dijmin di sala 1977'an de derbasî Siwêdê dibe û jiyana xwe di penaberiyê de berdewam dike. Pêşevanî ji gelek kovar û rojnameyan re kiriye û gelek berhemên navdar (Tu, Mirina Kalekî Rind, Siya Evînê, Rojek Ji Rojê Evdalê Zeynikê, Hawara Dîcle û hwd) jî nivîsîne.

Mihemed Uzun di sala 2007'an de li bajarê Amedê xatir ji jiyanê xwestiye û çûye ber dilovaniya yezdan.

## **PIRS**

**1-** Çima Îskender Beg kelegirî dibe?

**2-** Çima di romanê de sirûda şervanê kurd weke destana Agirî bi nav kiriye?

## **CUR Ü AWA**

Ji nivîsên dirêj ên ku bûyerekê yan gelek bûyeran bi hev re radigihînin û di nava wan de gelek leheng heyî re **roman** tê gotin.

Roman, li ser sê endamên bingehîn tê hûnandin :

**a-** Bûyer

**b-** Kes

**c-** Cih û dem

## RÊZIMAN

**Di lêkeran de rader (jêder):** Rader awayê bingehîn ê lêkeran e, lêker di vê rewşê de li gorî tu dem û raweyan nehatiye kişandin.

### Mînak:

anîn, xwestin, birin, gortin, dîtin, man, barîn, bezîn, daxistin, vegeŕîn, firandin ...

### Bidestxistina rayeka lêkeran:

**a- Rayeka dema borî:** Dema ku mirov qertafêñ raderîn "in " ji lêkeran rake, rayeka dema borî tê bidestxistin.

### Mînak:

Xwestin = xwest, xwendin = xwend, hatin = hat, ketin = ket  
...

**b- Rayeka dema niha:** Dema ku mirov lêkerê li gorî dema niha bikişîne û qertafêñ dem û kesan jê rake, rayeka dema niha tê bidestxistin.

### Mînak:

Lêker	Dema niha	rayek
xwestin	dixwaze	xwaz
xwendin	dixwîne	xwîn
meşîn	dimeşe	mes
barîn	dibare	bar
kolan	dikole	kol

## HÎNDARÎ

- 1- We çi roman xwendine? Navêن wan binivîsin.
- 2- Rayeka dema borî û dema niha ya van lêkeran binivîsin.  
Kirin , raketin , şûştin

# WANE 3

## BILBILÊ DILŞAD



Ey bilbilê dilşadî hela, wer bike fixan  
Derdê me girane ey bira , birîna me kûr e  
Gorî te bitin cerg û dil û mîlak û hem can  
Dengê te ye xweştir , ji ney û nay û bilûr e

Sê hawe têñ deng , yek ji sira bayê siba ye  
Hawayê dî ji dengê xuşîna dehl û reza ye  
Hawê sisiya ji bêhna şemamok û gula ye  
Lewra ku li dinyê tu bi nav û tu meşûr e

Karwanê me va bi rê ketî , lê şevreş û tarî  
Serma ye terez kulyên di berfê her dibarî  
Bahoz e çelapek têne me , ji her çar kenarî  
Warê me welat e ey heval , rêka me dûr e

Çar hawîr me diz û keleş in , têk dane dijmin  
Me ji hev radiqetînin bir bi bir , heyf û mixabin  
Qet çarew umîda me nema ye bilbilê min  
Meydan e ji bo hirç û çeqel , gur zûr e zûr e

Meydan e ji bo hirç û çeqel , rovî û keftar

Gorî te bim bilbil , ji serê darê tu wer xwar  
Da pêk ve mijûl bim , bi xwe çend rojên di dijwar  
Îro li me ferman e , li ser gerdenê şûr e

### *Seydayê Tîrêj*

#### **PEYV**

**Fîxan:** awaza bilbil

**Cerg:** Kezeb

**Hawe:** Awa

**Meşûr:** Bi nav û deng, navdar

**Hawîr:** Hawîrdor

**Çeqel:** Torî, Cureyek ji kûçikêñ kovî

### **EM HELBESTVANÊ XWE BINASIN**



Seydayê Tîrêj di sala 1923'yan de li Rojavayê Kurdistanê ji dayîk bûye. Helbestvanê navdar li ser xwezaya Kurdistanê, li ser perîşanî û bindestiya kurdan, helbestên gelekî giranbuha hûnandine. Di sala 2002'yan de jî helbestvanê me li bajarê Hesekê yê Rojavayê Kurdistanê koça dawî dike.

#### **PIRS**

**1-** Ji bo çi Seydayê Tîrêj dibêje:

"Ey bilbilê dilşadî hela wer bike fîxan

Derdê me giran e ey bira birîna me kûr e"

**2-** Naveroka helbesta Seydayê Tîrêj li ser çi ye? Şîrove bike.

## CUR Û AWA

Ev curehelbest, helbesteke destanî (epîk) ye. Ji wan helbestên ku mijara wan şer, egîdî, lehengî û welatparêzî re destanî (**epîk**) tê gotin.

Bûyerêن dîrokî bi vegotineke kelecan tîne ziman. Ev curehelbest têra xwe dirêj in, ji van helbestan re **helbestên destanî û helbestên lehengî jî tê gotin.**

Di helbestên hûnandî de bê guman malik û bare jî tê dîtin, li gel wan carinan di helbestê de li dawiya rêzikân heman rêzik tê dubarekirin; ji vê rêzika tê dubarekirin re **qulf tê gotin.**

Bareya vê helbestê jî, bareya dewlemend e. Ji wekheviya sê deng an jî zêdetir dengê wekhev ên ku dikevin dawiya rêzikên helbestan re **bareya dewlemend tê gotin.**

### Mînak:

Sê hawe te deng, yek ji sira bayê **siba ye**  
Hewayê dî ji dengê xuşîna dehl û **reza ye**  
Hewê sisiya ji bêhna şemamok û **gula ye**  
Lewra ku li dinyê tu bi nav û tu meşûr e

# WANE 4

## NAME JI BO DAYÎKÊ



10 Nîsan 2016

Dayîka min î hêja!

Bawer bike dayê can, min pir bêriya te kiriye. Bêguman dizanim te jî, pir bêriya min kiriye. Ji ber ku va bûye demeke dirêj me hev nedîtiye. Ji ber nebûna derfetan, ez nikarim zêde nameyan bişînim... Lê xema nebe dilê xwe dayê, hezkirin û tama xwarina kesî bi ser a te nakeve. Serê sibê dema te ez ji xewê şiyar dikirim, xwarin dida min û ez bi paqijî û rûkenî dişandim dibistanê, ma ez ê çawa ji bîr bikim dayîka min a şirîn û dilovan li ber dilê min.

Niha li vir jiyana me baştir bûye. Erê, zivistanê ji ber sermayê û nebûna pêdiviyêñ zivistanê û ambargoya li ser me, me hinek tengasî derbas kirin, lê niha bi derbasbûna biharê re rewşa me gelekî baştir e. Li vir hevalên min ên cur bi cur pir hêja jî çêbûne, hinek ji wan ji pêkhateyêñ ereb û asûrî ne jî. Aha wisa, em wekî pênaseya mozayîka gelan pir bi rêzdarî bi hev re didin û distînin. Ji kesî re nebêje dayê, bila di navbera me û te

de be(!) " dibe ku ez fêrî erebî jî bibim" ku ev jî xemlandineke mezin a bîrdoziya me ye.

A din, em tev baş in. Hevalên min pir hêja ne; hema hema her yek ji herêmekê ye. Weke dema xebatê jî, em sibehê 7-8 şiyar dibin, carinan heyâ demjimêr 9'an û carinan heyâ 11'ê şevê dixebeitin. Carinan ji ber ênternetê pirsgirêkên me derdikevin, an wekî din em pir baş in. Aha! di vê navberê de ew penîrê te ji bo me şandî pir xweş bû, me hemû xwar. Ji ber wê jî spasî, silavê taybet ên hevalên min tevan ji bo we hene...

Ew nameyên hûn dişînin carinan dereng digihêjin min, ji ber wê dereng bersivê didim. Ger derfet hebe ez ê tim ji bo we binivîsim dayê can.

We pirsî bû, lê niha tiştek ji bo min pêwîst tuneye, tenê başî, saxî û selametiya we dixwazim. Em jî, bi hemû tiwanayê xwe ve hewl didin ku xebata xwe ya amadekirina pirtûkan heyâ dawiya Gulanê bi şêweyekî herî serkeftî bi dawî bikin...

Bibore dayê, min dixwest bîranînê li vir ên kar û hevalên xwe, hîn zêdetir ji bo we binivîsim û bi were parve bikim, lê dema min tuneye.

Di dawiyê de jî, silavê min ji bo hemû malê û hevalên min ragihîne, bi taybet ez destê te û bavê xwe maç dikim.

### **Silav, rêz û hezkirin dayê can**

**Jînda Zagros**

**Taxa Azadî /Kolana 3/Rimêlan**

## **PEYV**

Dilovan: Dilnerm, dilnazik

Bîrdozî: Îdeolojî

Tiwan: karîn, şêyan

## **RASTNIVÎS**

Weke di mînaka li jêr de jî tê dîtin, nameya asayî bi birepeyvên bangî dest pê dike. Piştî wê navbereke kurt tê nivîsîn û dikeve navbera naverokê. Her tiştê tu dixwazî bînî ziman, di vê bendê de dinivîsî û derbasî benda encamê dibî. Divê benda encamê, ji bendêñ din kurtir be.

Peyvên weke: Divê, pêwîst e, her wiha tê de nayêñ bikaranîn.

## TÊBÎNÎ

Dibe ku naveroka nameyê ji çend bendant pêkhatî be.

Li milê jor aliyê rastê dîrok, li milê jêr aliyê çepê navnîşan û li milê rastê jî nav, paşnav û şanenav tê nivîsîn.

### Dîrok

**Bang** .....

**Destpêk**.....

.....

### Naverok

.....

.....

.....

.....

.

### Encam

.....

.....

### Navnîşan

### Nav û paşnav

Şanenav

Li ser namedankê, aliyê jor, milê çepê nav û navnîşana hinêr, li milê rastê pûl, li aliyê jêr milê rastê jî, nav û navnîşana girtek tê nivîsîn.

### Nav û Navnîşana Hinêr

Pûl

### Nav û Navnîşana Girtek

## PIRS

- Berê name çawa dihatin şandin?
- 2- Nameya di mijara jor de, ji kê re hatibû şandin?

## CUR Ü AWA

Dema em li danasînên nameyan temâşe dikin, pê dihesin ku ev nameya me curenivîseke taybet e.

Ji ber nivîskar, ev name bi awayekî taybet ji dayîka xwe re şandiye.

Ji nivîsên ji bo dost, heval an ji bo xizman têşan re **nameyên taybet** tê gotin.

## **Cureyêن Nameyan:**

**1- Nameyêن Taybet:** Ew nameyêن ku ji bo heval, dost, evîndarî, serxweşî, spasî, vexwendin û pîrozbahîyan têن nivîsîn.

**2- Nameyêن Wêjeyî:** Kesêن navdar di aliyê huner û wêjeyê de, bi aramanca hest û hizrêن xwe bidin xuyakirin û rexnekirin, nameyêن wêjeyî dinivîsîn.

**3- Nameyêن Fermî:** Nameyêن ji bo ragihandina kar, di navbera saziyan de yan bi heman armancê ji kesêن taybet re têن şandin.

**4- Nameyêن Kar:** Nameyêن bi aramanca têkîliyêن karê bazirganiyê yan jî ji bo sazûmankirina mercêن xebatê di navbera aliyan de ji saziyêن taybet an saziyêن fermî re têن şandin.

# WANE 5

## TILHELEF



Tilhelef 3 km li rojavayê bajarê Serê Kaniyê dikeve, navê xwe ji girê bajêr girtiye, hejmara şêniyên bajêr 5 hezar kes in. Girê bajêr ji rojhilat ta rojava; ji 300 ta 500 metreyan dirêj dibe.

Li aliyê bakurê gir şaxekî çemê Xabûrê yê ku jêdera wî herêma Urfa ya Bakurê Kurdistanê ye, diherike. Herêma li derdora gir axeke berhemdar e û bi hezarê salan mirovên herêmê bi çandiniyê û xwedîkirina sewalan debara xwe dikirin.

Max Von Oppenheim (Maks Von Opênhêm) lêkolîn kir û bû sedema hilweşîna gelek şûnwaran. Lêkolînen pêşîn ên Oppenheim di sala 1899'an de dest pê kirin, lê ew têgihîst ku di bin axa gir de gelek şaristanî hatine veşartin. di sala 1909'an de ji bo destûra lêkolînê bigire daxwaznameyeke fermî pêşkêşî dewleta Osmanî kir û di sala 1910'an de destûrnameya lêkolînê wergirt û di 5'ê tebaxa 1911'an de dest bi kolan û lêkolînan kir.


Oppenheim paşê ji karê diplomasî berda û hemû alavên xwe yên kolan û lêkolînê anîn Tilhelefê. Di sala 1913'an de karêñ

lêkolînê rawestiyan û dihate payîn ku di zivistana 1914-1915'an de dîsa dest pê bike, lê ji ber şerê cîhanê yê yekem karê lêkolînê 14 salan rawestiya. Pişti 14 salan di bihara 1924'an de Oppenheim dîsa vege riya Tilhelefê, lê dema ku ew vege riya gelek şûnwarên gir ji aliyê Ermeniyan ve rûxiyabûn ji ber ku ji bo avakirinê hatibûn bikaranîn. Di sala 1920'an de peykerên ku di salên 1911-1913'an de hatibûn dîtin, hatin berhev kîrin û li gorî hevpeymaneke bi Fransiyâ re beşek ji wan peykeran dê li Muzeya Helebê bêñ dayîn û beşek jî, dê ji bo Berlînê bêñ veguhestin. Oppenheim lêkolînên xwe yên dawî li Tilhelefê di sala 1929'an de kirin, berhem û parçeyên arkeolojîk di 43 sindoqan de ji bo Berlînê hatin veguhestin.

Xerckirinê kar û barêñ lêkolîna Tilhelefê gihîştiye 275.000 markan. Ji ber ku rayedarêñ dewleta Elmanyayê ji bo dayînan li hev nekirin, li kolana Franklin a Scharltawn (Franklin a şariltawin) a Berlînê muzexaneya bi navê Tilhelefê vekirin û hemû berhemêñ dîrokî yên Tilhelefê tê de hatin bicikirin.

Di sala 1943'yan de muzexaneya Tilhelefê a Berlînê sê caran ji aliyê hêzên hevkar ve hat bombe barankîrin û gelek parçeyên dîrokî rûxiyan û gelek jî şkestin, lê tişta balkêş ew e ku parçeyên dîrokî yên ku li mu zeyêñ din ên Berlînê di depoyêñ asê de hatibûn veşartin û tiştek bi wan nehat. Di tebaxa sala 1944'an de di encama hevpeymanekê de barê 9 kemyonan berhemêñ dîrokî ji bo depoya beşa şûnwarên rojhilat ê muzexaneya Berlînê hatin veguhestin. Her wiha, hin parçeyên ku berê li muzexaneyê Elmanyayê bûn, tiştek bi wan nehatibû.

Di sala 1946'an de gelek berhemêñ dîrokî ku di muzxaneyêñ Berlînê de bûn, ji aliyê hêzên Sovyetê ve hatin desteserkirin, lê di sala 1958'an de gelek ji wan berhemân vege randin Elmanyayê. Lê gelo ev berhemêñ ku bêyî vîna gelê kurd hatine lêkolînkîrin û li cîhanê hatine belavkîrin, heye ku rojekê vege rin warê xwe Rojavayê Kurdistanê?



Gelek dagirker li ser herêma Tilhelefê re derbas bûn, dagirkeriya herî dawiyê jî di 8'ê Mijdara 2012'an de ji aliyê komên DAIŞ'ê, Cebhet El-Nusra û gelek komên çete ve pêk hat. Piştî nêzî salekê roja 5'ê Mijdara 2013'an Yekîneyên Parastina Gel (YPG) herêma Serê Kaniyê û Tilhelef jî di nav de rizgar kirin. Li gorî lêkolînên arkeolojîk, di binê axa Tilhelefê de dîroka 8 hezar sal veşartî ye. Ev dîrok û berhemên dîrokî pêwîst e bêñ parastin.

## PEYV

**Payîn:** Gumankirin, texmînkirin

**Rûxandin:** Hilweşandin

**Peyker:** Pût, Senem

**Muze:** Entîkxane, cihê parastina tiştên kevnar û dîrokî

## **RASTNIVÎS**

### **Cihê Bikaranîna Tîpên Gir:**

- 1-** Hevok bi tîpa mezin dest pê dikan.
- 2-** Piştî pirsnîşan, baneşan, cotxan û xalê peyv bi tîpên mezin dest pê dikan.
- 3-** Rêzikên helbestan bi tîpa mezin dest pê dikan.
- 4-** Navêن taybet ên ku ji lawiran re hatine dayîn bi tîpa mezin dest pê dikan.
- 5-** Navêن saziyêن fermî bi tîpên mezin dest pê dikan.
- 6-** Navêن welat, herêm, bajar, navçe, gund, tax, kolan, çem û çiyayan bi tîpên mezin dest pê dikan.

## **PIRS**

- 1-** Tilhelef dikeve kîjan parçeya Kurdistanê?
- 2-** Sedemêن hilweşîna gelek şûnwarêن Tilhelefê, ci bûn?
- 3-** Kê Tilhelef ji çeteyan rizgar kir û kengî?

## **RÊZIMAN**

### **Dema niha:**

Heke karek di dema têdeyî bê kirin, dema wî karî weke dema niha tê binavkirin.

Awayê pêkanîna vê demê: qertafa dema niha "di-+" rayeka dema niha ya lêkerê+qertafa kesane.

Lêker	Ki rde	pêşgir	Qertafa dema niha	Rayeka dema niha	Qertafa kesane	Hevok
Bezîn	Ez		di	bez	im	Ez dibeşim
Çêkirin	tu	çê	di	k	î	Tu çêdikî
Meşîn	E w		di	meş	e	Ew dimeşe
Vexwarin	E m	ve	di	xw	in	Em vedixwin

### Mînak:

Ez **dixwînim.** Em **digerin.**

Tu **dixwînî.** Hûn **diçinin.**

Ew **dixwîne.** Ew **dilîzin.**

**Neyîniya dema niha:** Bi alîkariya qertafa "**na-**"yê pêk tê.

### Mînak:

- Ez ji Payîzê hez **nakim.**
- Em qehwê **venaxwin.**
- Hûn **naçin malê.**
- Ew cilan **ranaxe.**
- 

**Têbînî:** Her weke ji mînakan jî diyar e, di lêkerên pêkhatî (bipêşgir) de qertafa dema niha û qertafa neyîniyê dikevin navbera pêşgir û rayeka lêkerê.

# WANE 6

## GIRÎNGIYA XWENDINÊ



Her mirovê ku bixwaze hemû erkên mirovahiyê pêk bîne, zana bibe, rûmetê bi dest bixe, weke mirovekî hêja di nava civakê de bê dîtin û bibe xwediyyê zimanekî wêjeyî, pêwîst e bixwîne. Heke mirov nebe mirovekî xwenda, nikare bi awayekî tam pêşketinê mezin bi xwe re çêke. Ji ber ku bê xwendin, gavavêtinê mezin ne gengaz in.

Ger îro em karibin dîroka xwe ya bi hezarê salêñ derbasbûyî bizanin, awayê çanda xwe ya kevnar fêr bibin û awayê jiyana pêvajoyêñ derbasbûyî têbigihin, bi saya xwendinê ye, lewre gelêñ xwendin ji xwe re nekirine armanc, têk çûne û tune bûne. Li aliyê din jî dema em temâseyî zanyar û pêşengêñ civakê dikin, dibînin ku girîngiyeke mezin dane xwendin û perwerdeyê û wiha gotine:



"Civakbûna zarokan, bi çalakiya perwerdeya civakê tê meşandin."

Her wiha Hz. Mihemed jî wiha gotiye: "Zanistê bixwaze ji landikê ta gorê." Di "Qurana Pîroz" de jî yekemîn fermana ji mirovan re hatî dayîn peyva: "**Bixwîne**" ye. Ji van gotinan jî tê zanîn di hemû qadêن jiyanê de pêwîstiya me bi xwendinê heye.

Heke em bixwazin bibin mirovên birûmet, pêşketî û pêşeng, pêwîst e em bixwînin, perwerde bibin û gelê xwe bidin xwendin û perwerdekirin.

## PEYV

**Rûmet:** Nirx

**Gengaz:** Dibe, pêkan

## PIRS

- 1- Çima gelên ku girîngî nedane xwendinê, tune bûne?
- 2- Gotar li kû derê tê bikaranîn? Lêkolîn bikin.
- 3- Sûdêن xwendin û perwerdeyê ji bo civakan, ci ne?

## RÊZIMAN

**Dema bê:** Ev dem ji bo karekî ku hîn pêk nehatiye, tê bikaranîn.

Awayê pêkanîna vê demê: Amraza dema bê "dê" û "ê" + qertafa bi + rayeka dema niha ya lêkeran + qertafêن kesane.

Lêker	kirde	Amraza dema bê	Pêşgi r	qertafa merc û daxwaziy ê	Rayeka dema niha	Qertafa kesane	Hevok
Lîstin	Ez	ê		Bi	lîz	im	Ez ê bilîzim
Şandin	Ew	ê		Bi	Şîn	e	Ew ê bişîne
Hilgirtin	Em	ê	hil		Gir	in	Em ê hilgirin
Raketin	Egîd	dê	ra		kev	e	Egîd dê rakeve

### Mînak:

Ez ê bixwim.

Ew ê vexwin.

Dilgesh dê biçe.

Baran dê bibare.

**Têbînî:** Her wekî ji mînakan diyar e, qertafa merc û daxwaziyê "bi" di lêkerên pêkhatî de ango bi pêşgir ji holê radibe.

### Di dema bê de neyînî:

Qertafa neyîniyê ya dema bê "ne" ye. Di lêkerên pêkhatî de dikeve navbera pêşgirê û rayekê.

### Mînak:

- Ez ê negirim.

- Canda dê neçe.

- Ez ê ranekewim.

# WANE 7

## PEYAMA NEWROZÊ

**Gelê berxwedêr!** Îro roja cejn, vejîn, berxwedana û serhildana gelê kurd a asoya herî bilind e.

Di vê rojê de, gelê kurd bi berxwedana xwe ya bêhempa, gelên Rojhilata



Navîn ji bin darê zordariya desthilatdaran rizgar kiriye. Ji bo serxwebûna xwe dest bi vekirina rûpeleke nû ya dîrokê kiriye û bûye gelê herî xwedî dad. Di heman demê de, di vê roja pîroz de bi hewldanê Mezlûman ji kevneprestî û zordariya dagirkirêñ Kurdistanê re gotiye: Édî Bes e û biryara berxwedana çekdarî ya ji bo azadiya gelê kurd û Rojhilata Navîn hatiye dayîn. Ev berxwedana pîroz, di bin pêşengiya Şehîdan de, bi Rewşen, Egîd, Adil, Zîlan, Bêrîtan, Leyla, Xebat, Rustem, Simko, Şîlan û Çîçekan bilind bûye.

### Gelê birûmet!

Ev roja pîroz beriya derketina Tevgera Azadiya Kurdistanê, ji aliyê neyarêñ gelê kurd ve weke hemû bermayêñ gelê kurd hatibû qedexekirin, lê bi berxwedana van lehengan û gelê welatparêz, neçar man ku vê roja binirx weke Cejna Neteweyî ya gelê kurd bipejirînin. Ji bo bidestxistina vê xelatê, xwîna gelek zarokêñ we, bav û dayîkêñ we, xwîşk û birayêñ we hat rijandin. Ji bo ev roj, bibe rojeke mayînde, hêvî û daxwazêñ pakrewanan bêñ pêkanîn, pêwîstî bi xebat û berxwedaneke hêj bi rêk û pêktir heye.

Tê zanîn, di pêvajoya vê berxwedana demdirêj û zehmet de, gelek îxanet û bêmafi li ser we û şoreşa me hatine pêkanîn. Her tim hat xwestin ku em dîroka xwe ya ji aliyê dijminan ve hatî reşkirin, dubare bikin. Lê we bi berxwedana xwe ya salan, bêyî ku stûxwehriyê ji tu zordaran re bikin, we, ew vale derxistin û hêviyên wan di dilê wan de hêlan.

Gelê hêja!

Em bawer in, ev berxwedana we ya binirx, dê heyâ gihadina mirovahîyeke birûmet berdewam bike û dê bibe berxwedana gelek rojên mîna vê roja pîroz.

Bi vê boneyê em cejna we pîroz dikin û serkeftinên bêdawî dixwazin.



## **PEYV**

**Aso:** Dûrahiya dawî tê dîtin-(ufuq)

**Kevneperestî:** Parastina tiştên paşverû

**Pakrewan:** Şehîd/Cangorî

**Newroz:** Roja nû

## **PIRS**

- 1-** Peyva "Newroz" tê çi wateyê?
- 2-** Çima gelên Rojhilata Navîn, Newrozê pîroz dikin?
- 3-** Çawa kurd ji bin zordariya desthilatdaran, rizgar bûn?
- 4-** Tu di Cejna Newrozê de çi dikî?
- 5-** Çima rêjîmê cejna dayîkê ya ku di rastiyê de 13'ê Adarê ye, kiriye 21'ê Adarê?

## **CUR Û AWA**

Nivîsa derbsbûyî axaftin e. Dema em temâşeyî axaftinê dikin, ji ber ku li ser tiştekî girêdayî civakê yan li ser pirsgirêkekê li benda çareseriyê ye, jê re axaftina hîzrî ya amadekirî tê gotin.

Di axaftinê de tevgerên dest, rû, mil, çav, serî û laş di bandorkirinê de roleke girîng dilîzin.

Bêjera/ê axaftinê, pêwîst e tevger û axaftinê xwe li hev bîne.

## RÊZIMAN

**Dema boriya têdeyî:** Dema ku bûyerek pêk hatibe û bi dawî bûbe, ev dem tê bikaranîn.

### Mînak:

Rûken çû sînemayê.

Min karê xwe qedand.

Ez li nava bajêr geriyam.

Zîlan çîrok gotin.

**Neyîniya dema boriya têdeyî:** Bi alîkariya qertafa neyîniyê "ne" pêk tê.

### Mînak:

Rûken neçû sînemayê.

Ez li nava bajêr negeriyam.

# **WANE 8**

## **SIYABENDÊ SILÎVÎ Û XECÊ**



...Piştî Siyabend mezin bû, dil ket Xecê, dema Xecê didin kurê Mîrê Şikaka, bi alîkariya pîrekê, Siyabend Xecê direvîne... Revand û bir serê Çiyayê Sîpanê Xelatê... Xecê rûnişt, Siyabend serê xwe danî ser çoka Xecê û raza... Di wê demê de birek pezkovî di ber wan re derbas dabin. Nêriyek, bizinê ji yên din distîne... Rewşa Xecê û Siyabend tê ber çavên Xecê û Xecê dikene, ji xwe re dibêje:

Eynî mîna Siyabendê min ê Silîvî ye.

Xwediyyê tîr û kevanê zêrîn e.

Haya Siyabend ji bayê felekê qet nîne

Bizin hat ser kaniyê

Devê xwe xist kaniyê

Xecê li bizinê dinêre

Nêriyê girover bi çavê xwe dibîne  
Çi qas ew nêrî li van deh nêriyan dixîne  
Xecê keniya û kir qîrîn e  
Siyabend bi kenê wê re  
Çavên xwe vekir ji xewa şirîn e.  
Rabû ser xwe dest bi kêra xwe digihîne

Dibêje:

Te nêrî ku serê min tazî ye  
Tu bi keçeliya min dikeniye  
Ji min re bêje rastî ye  
Di dilê te de çi heye û çi nîne.

Xecê dibêje:

- Siyabend bila ez bibim bi qurbana keçeliya te,  
Ji bilî muhbata te tiştek din, di dilê min de nîne,  
Bes ez ê ji te re bêjime  
Min dozdeh pezkovî îro bi çavên xwe dîne,  
Yek bizin bû yazdeh heb nêrî ne,  
Yekî kinikî girover di nav van de bû  
Şaxên wî dozdeh, şaxî ne,  
Li deh nêriyan xistîne  
Ji ser bizinê vedigerîne  
Kenê min hat, min got:

Eynî mîna Siyabendê min ê Silîvî

Xwediyê tîr û kevanê zêrîn e.”

- Siyabend got:

Xecê ez ew qasî li dinyayê geriyame,

Min kesî fêris û pêhlewan weke xwe nedîne,

Tu nêriyê pezkoviya dikî weke min,

Tu bi çavêن xwe bibîne.

Ew nêrî işev li ku be, ez ê serê wî jê bikim,

Goştê wî ji me re bikim  
şîv e...

Piştî digihê pezkoviyan,  
nêriyê girover birîndar dike, li  
ber serjêkirinê, nêrî şaxê xwe lê  
dixe, di Çiyayê Sîpanê Xelatê  
de diavêje, bi serê sîxekî  
belalokê bi nîva tehtê ve  
dimîne...

Xecê lê digere wî di wê rewşê  
de dibîne, digirî û ban dike:



Hey lo lo Siyabendo Sibat e xweş Sibat e,

Berf li min û te, tê bi gulat e,

Di ser te re zinarekî bilind e,

Di bin te re riya karwan e,

Di bin rê de, ava Muradê, ava bi Ferat e,

Siyabendo cihê min bike, ez hatim ba te.

Siyabend:

- Hey lê lê mala bavê şewitiyê,  
 Xwe bikêşa gundan bigihîne.  
 Werîsên heft gundan li hev bicivîne.  
 Tu bi destê xwe, xwe bi nexweş û birîndarê mala bavê  
 xwe bigihîne.

Siyabendê Silîvî fêris û  
 pehlewanê dinyayê, ji binê  
 Sîpanê Xelatê ji ser kelemê  
 belalokê tu derîne...

Piştî werîsên heft gundan  
 tîne weke wî gotî çêdike, nikare  
 Siyabend rizgar bike, xwe  
 diavêje ser laşê Siyabend û her  
 du bi hev re ser riya karwaniyan  
 dikevin, hîna Xecê temam  
 nebûye... Serpêhatiya xwe ji serkarwan re dibêje û jiyana xwe ji  
 dest dide. Karwanî jî gorêن wan dikolin, navê wan ser datînin,  
 li dora herdu goran darêن spîndaran diçînin, zincîrekê bi kêla  
 wan ve dikin, piyanekê bi zincîrê ve dikin û datînîn ser kaniyê.



## PEYV

**Muhbet:** Hezkirin

**Fêris:** Mêrxas, siwarê mêrxas

**Pehlewan:** Leheng

**Gulat:** Di mijarê de ji komikên barîna berfê re tê gotin.

## PIRS

- Lehengêن destanê, kî ne?1

2- Ramana bingehîn a destanê, çi ye?

## CUR Û AWA

Ji nivîsên bûyerekê yan çend bûyeran digire dest, tê de çend leheng heyî, di nava civakê de şopeke kûr hêlayî û di bin bandoriya bareyê de hatin nivîsin re **destan** tê gotin.

Di destanê de dibe ku carinan nivîsa pexşan carinan jî di bin bandora bareyê de be. Ger hemû pexşan be taybetmendiya xwe ya destanî winda dike.

## RÊZIMAN

Kişandina lêkeran li gorî deman.

Rader	Dema niha	Dema bê	Dema borî
xwendin	dixwîne	dê bixwîne	xwend
vegotin	vedibêje	dê vebêje	vegot
şiyarkirin	şiyar dike	dê şiyar bike	Şiyar kir

## HÎNDARÎ

Tu jî destanekê peyda bike û di lênuşa xwe de binivîse.

# HÎNDARÎ 3

## AXAFTIN

Kesê baş perwerde dîtî, zimanê wan ê axaftinê xweş e. Divê perwerdeya baş, di temenê biçûk de, ji malbat an ji dibistanê bigire, ji ber ku fêrbûn û sererastkirina ziman di temenê mezin de zor e.

Di roja me de taybetmendiya herî baş, axaftina rast û xweş e. Ji ber wê kors têr vekirin û gelek mirov ji bo şâsiyên xwe yên axaftinê rakin, tevlî van korsan dibin û di van korsan de perwerdeyê dibînin. Di serî de rêveber û mirovên kar, kesên dixwazin di karêr xwe de serkeftî bin, dikin armanc ku zimanê xwe baş bi kar bînin. Di axaftin û nivîsînê de hewl didin ku zimanê wan bigihin pileyeke bijartî. Di vê riyê de hewldanan zêde dikin. Ji bo bibandor, xweş, rast û durist biaxivin.

Her sê pirsên destpêkê li gorî mijarê biversivînin.

### 1- Axaftina xweş encama ci ye?

- A) Encama xebateke baş e.
- B) Encama perwerdeyeke baş e.
- C) Encama rêzdariyeke baş e.
- D) Encama bi pîvanbûneke baş e.

### 2- Di roja me de taybetmendiya herî baş, ci ye?

- A) Mêrxasî ye.
- B) Axaftina rast û xweş e.
- C) Malpeydakirin û dayîn e.
- D) Têkiliyên di navbera mirovan de ne.

**3- Ji bo bibandor, xweş, rast û durist biaxivin, karmend çi díkin?**

- A) Armanca wan, zimanê xweş û baş bi kar anîn e.
- B) Díkin armanc bazirganiya xwe zêde bikin.
- C) Siyasetê bikin.
- D) Hewl didin bi zimanê biyanî biaxivin.

**4- Ji nivîsên ji bo daxwaza kesan, gazinê wan an jî rewşekê ji cihê peywendîdar, radigihîne re çi tê gotin.**

- A) Nameya taybet
- B) Daxwazname
- D) Nameya wêjeyî
- C) Vexwendname

**5- Di navbera roj, meh û salê de, kîjan nîşane tê danîn.**

- A) Xal
- B) Xêzika axaftinê
- C) Xalbêhnok
- D) Xêzika xwehr

**6- Ji wan rêzikên tênen gel hev û wateyekê bi hev re tekûz díkin re çi dibêjin?**

- A) Hevok
- B) Bend
- C) Mijar
- D) Malik

**7- Nameyêñ tu ji bo heval, dost, xizm û hezkiriyeke/î xwe re rêdikî, kîjan cureyê nameyê ne?**

- A)** Nameya kar e.
- B)** Nameya wêjeyî ye.
- C)** Nameya taybet e.
- D)** Daxwazname ye.

**8- Lêker li gorî çêbûna xwe dibe çend beş?**

- A)** 2
- B)** 3
- C)** 4
- D)** 5

**9- Ji peyva di hevokê de kirina kar pêk tîne re ci tê gotin?**

- A)** Bireser
- B)** Lêker
- C)** Jêder
- D)** Têrker

**10- Ji nivîsên bûyerekê yan çend bûyeran digirin dest, tê de çend leheng heyî û di bin bandoriya bareyê de mayîn re ci tê gotin?**

- A)** Roman
- B)** Serpêhatî
- C)** Destan
- D)** Axaftin

**11- Nivîsêñ dirêj ên ku bûyerekê yan gelek bûyeran bi hev re radigihînin û di nava wan de gelek leheng heyî re ci tê gotin?**

**A) Nivîsêñ ramanî**

**B) Axaftin**

**C) Ceribandin**

**D) Roman**

**12- Peyvêñ hemwate bigînin hev:**

1- Berz                    a- Kevnxane

2- Şîn                    b- Xemgirtin

3- Muze                    c- Bilind

5- Xûl                    ç- Çemandî

6- Şax                    d- Çiya

**13- Ji hevokêñ li jêr yên rast bi típa (R), yên şaş bi típa(S) nîşan bikin û yên şaş sererast bikin.**

1- Lêker ji raderan pêk têñ û li gorî rewşê tê guhertin.

( )

2- Peyva kirina karekî dide nîşandan em ji wê peyvê re dibêjin kirde.

( )

3- Nivîsêñ dirêj ên ku bûyerekê yan gelek bûyeran bi hev re radigihînin û di nava wan de gelek leheng heyî re çîrok tê gotin.

( )

4- Rêzika ku li dawiya rêzikan tê dubarekirin, jê re dibêjin malik.

( )

5- Ji nivîsêñ ji bo daxwaza kes, kom û gazinêñ wan ji cihê peywendîdar radigihîne re daxwazname tê gotin.

( )



# BESA 4

ZIMAN Ü GEL

DR. QASIMLO

DÎLBEREK MIN DÎT BI  
ÇAVAN

SEYDAYÊ HÊJA OSMAN  
SEBRÎ

COTYARÎ

HÎNDARÎ 4

# WANE 1

## ZIMAN Û GEL

Ziman diyardeyeke xwezayî ye, li ba hemî neteweyan peyda dibe, ew jî stûna herî xurt e, di bin banê mala neteweyan de, ji ber ku banê miletekî li ser sê stûnan ava dibe ziman, ax û dîrok. Dema yek ji van stûnan nebe, ew ban bi aliyekî dibe û bi taybetî Ziman ê herî sereke ye.

Dema tu bixwazî kesekî binasî, tu yê bêjî tu çi kesî û ji çi miletî yî. Dema ew bêje ez ji miletekî me, di serî de ziman tê bîra te, piştre ax û di dawiyê de jî, dîrok. Lê dema tu ji kesekî pirs nekî tu yê wî kesî nenasî, ne bi cil û bergên wî û ne bi reng û pora wî, ew tê nasîn, tenê dema ew bipeyive, wê demê zimanê wî bala te dikişîne ku ew çi kes e. Bala xwe bidin vê helwestê bê çi qas ziman di jiyana mirovan de girîng û pêwîst e.



Bi rastî tişta herî bedew, xweşik, nazik, şirîn û xweş, ziman e. Ziman nasnameya mirovan e. Ew hebûna miletekî ye. Lewra dema dagirker dixwazin miletekî ji holê rakin di destpêkê de li tunekirina zimanê wî miletî digerin. Di dîrokê de, milete hatî tunekirin, pêşî ew ji zimanê wî dûr kirine û hiştine ku zimanê xwe ji bîr bike, yan zimanê xwe biçûk bibîne yan jî zimanê wî pê ne xweş kirine, hiştine ew ji zimanê xwe fedî bike.

Zimanê kurdî zimanekî piralî ye û mirov dikare wî bi hemû rengan bi kar bîne.

Zimanê kurdî yek ji zimanê miletên cîhanê ye û berxwedaneke dijwar kirîye, mîna miletê kurd xwe parastiye ta xwe gihandiye vê radeyê.

Dema em zimanê kurdî bidin ber zimanên cîhanê ku îro bi rengekî çalak dijî, em ê wî weke zimanekî zengîn bibînin, ji ber ku zimanên cîhanê bi hezarê konferansan pêk anîne, lê zimanê kurdî nekariye di bin setemkariya dijminan de yek konferansê pêk bîne û kariye vê hêzê biparêze. Lewra ew weke zimanekî xurt û zengîn tê xuyakirin. Lê bi rastî zimanê bi çar zaravayan û sedê devokan dikare mîna çar zimanan were bikaranîn.

Çi qas xweş e, dema mirov bi zimanê zikmakî bipeyive, binivêse, bixwîne ûbihizire. Ji ber vê yekê ci qas kesen, zana, jîr û hostayê mezin rabûne û her tim gotine: "ziman, ziman, ziman"

## PEYV

**Diyarde:** Tişa ku heye, yan diqewime, yan jî tê kirin.

**Stûn:** Dara qayîm a di navbera ban û binê xanî de.

## PIRS

- 1- Netewe, li ser çend stûnan ava dibe?
- 2- Mirov, bi ci tê nasîn?
- 3- Dema dagirker dixwaze miletékî tune bike, di serî de ci dike?



## CUR Û AWA

Jî agahîdayîna di mijarekê de piştgiriya nêrînekê, yan jî nivîsên bi armanca daxuyaniyekê hatine nivîsîn re **gotar** tê gotin.

## RÊZIMAN

**Hevok:** Dema ku çend bêje li gorî rêz û rêzikekê li pey hev rêz bibin û wateyekê bidin, ji vê koma bêjeyan re "hevok" tê gotin.

Di hevokê de du hêmanên bingehîn: "kirde, pêveber" û du hêmanên alîkar: "bireser û têrker" hene.

### Hêmanên hevokê:

**1- Kirde:** Ew hêman e ku kirina karê di hevokê de digire ser xwe .

### Mînak:

**Silava** gulan kom dike.

**Rojhatî** waneya xwe da.

**Ew** bi hevalên xwe re kar dike.

**mase** şkest.

Kêm caran be jî kirde veşartî ye, bi alîkariya qertafêñ kesane xwe nişan dide.

## **Mînak:**

Ji bo serbikeve dixwîne.

Helbestan dixwînim.

Kar dikî?

Ji dibistanê hatin.

Hin caran kirde ne ji tenê peyvekê, ji çend peyvan jî pêk tê.

## **Mînak:**

**Ahîna jîr** fêrî xwendinê bûye.

**Xwendevanên Zanîngeha Rojava** di pêşbirkê de bi ser ketin.

**Birayê min ê biçûk** îro ji bajêr vege riya.

## **HÎNDARÎ**

Tu jî gotarekê li ser girîngiya ziman binivîse.

# WANE 2

## DR. QASIMLO

Dr. Ebdulrehman Qasimlo, di 22'yê çileya pêşîn a sala 1930'î de, li bajarê Ûrmiyeyê ji dayîk bûye. Xwendina xwe ya seretayî û navîn li bajarê Ûrmiyeyê temam kiriye û piştre ji bo berdewamkirina xwendina xwe çûye bajarê Tehranê. Ebdulrehman Qasimlo di temenê xwe yê biçûk de pê hesiyaye ku gelê Kurdistanê di rewşeke kambax û dijwar de dijî... Her çend Ebdulrehmanê nûgihîştî ji malbateke dewlemend û bavê wî

Mihemed Axayê Wisuq yek ji dewlemend û begên herî mezin ên di herêma Ûrmiyeyê de be jî, lê wî jiyana xwe qet ji derd û xemên jiyana xelkên hejar cuda nedidît û heyâ ji bo mafê gel, jiyana xwe jî, ji dest da. Li ser wê helwesta kurdheziya wî, çalakiyên xwe yên siyasî ji sala 1945'an dema ku di temenê 15 saliya xwe de bû jî, damezrandina Yekîtiya Ciwanê Demokrat ên Kurdistana Îranê li bajarê Ûrmiyeyê, da destpêkirin. Piştî ku Komara Kurdistanê, Mahabad, di 1946'an de bi hevkariya hêzên biyanî û xiyaneta Yekîtiya Sovyetan têk çû. Dr. Ebdulrehman Qasimlo bi hevkariya gelek hevalên xwe yên din, xebata xwe ya siyasî bi rengekî nepenî û berfireh dîsa da destpêkirin.




Piştre ew bû endamê fermî yên Partiya Demokratîk a Kurdistanê. Bi vî awayî, wî armanc û riya xwe ya dûr û dirêj hilbijart. Ebdulrehman Qasimlo di temenê 18 saliya xwe de ji

bo xwendina bilind diçe welatê Fransayê. Bi prensîp û şêweyê xebat û nirxandinên xwe yên siyasî û zanistî, bala her kesî dikişîne ser xwe. Dr. Qasimlo piştî pênc salan xebata li dijî emperyalîzmê careke din vedigere Komara Çîkê û di sala 1962'yan de li zanîngeha Pragê dîplomeya doktoriya xwe ya di beşa aborî de jî, distîne. Karekî herî girîng di jiyana Dr. Qasimlo de ew bû ku ji sala 1976'an heya 1978'an di beşa ziman û bajarvaniya kurdan de, di zanîngeha Serbon li Parîsê, mijûlî dersgotinê bû. Wî bi nivîsîna babetên cur bi cur di rojname û kovarê Ewrûpî de derbarê jiyana civakî, dîrok û rewşa siyasî ya kurdan di wê demê de karî heya radeyeke dîrokî û pirsgirêka gelê kurd baştir bi raya giştî ya Ewrûpayê bide nasîn. Her ji ber van xebatên xwe Dr. Qasimlo li Ewrûpayê mîna kesayeteyeke siyasî û zana di derbarê pirsgirêka gelê kurd de dihat nasandin û dewletên Ewrûpayê di vê derbarê de dîtin û nirxandinên wî mîna Serokekî didîtin. Piştî ku di sala 1979'an de Mihemed Riza şah Pehlewî ji Îranê reviya Dr. Qasimlo vegeriya Rojhilatê Kurdistanê û xebata xwe ya siyasî bi rengekî berfireh li hemû Rojhilatê Kurdistanê, da destpêkirin. Dîsa ji bo astengiyêن Komara Islamî direve û vedigere Ewrûpayê.



Roja 12 û 13'ê gulana sala 1989'an bû sêyemîn car dema ku berdevkên Komara İslamî ji bo gotûbêjê li Viyena paytexta Awistiryayê hatibûn dîtina Dr. Qasimlo, ji nişka ve ji zimanê çekêن wan xwîn peyivî û bi du guleyên ku ji demanceya yekî ji nûnerên dewleta Îranê derketî Dr. Qasimlo bi bêbextî dikujin û

tevlî karwanê nemiran dibe. Belê bi vî awayî serok û nûnerekî din ê şoreşa Kurdistanê li welatekî Ewrûpî ku her roj zêdetir ji xwarina rojane navê mirovperwerî û demokrasiyê tînin ser zimên û li ser zagonê demokrasiyê diaxivin, bû qurbaniyê protokolên aborî. Xêzana Dr. E.



Qasimlo û Partî Demokratî Kurdistan li dijî vê mirovkujiyê gilînameya xwe radestî dewleta Awistriyayê kirin û heyâ niha dadgeh hêjî bê sûd didome. Berhema herî navdar û girîng ê Dr. Qasimlo ku têza doktoraya wî ye. Pirtûka wî ya bi navê "**Kurd û Kurdistan**" ku bi şêweyekî akademîk û zanistî lêkolînên wî di vê pirtûkê de hatine nivîsîn. Ev pirtûk yek ji çavkaniyêñ herî zanistî û baş ji bo nasandina dîrok, aborî û xebata siyasî ya kurdan bi gelên cîhanê ku bi awayekî berfirehtir pirsgirêka gelê Kurdistanê binasin, nivîsîbû. Pirtûka" Kurd û Kurdistan " heyâ niha bi çend zimanêñ zindî yên cîhanê (Ingilîzî, Erebî, Farisî) hatiye wergerandin. Dr. Qasimlo bi hûrbîniyeke baş hemû aliyêñ pirsgirêka kurd di vê berhema xwe ya giranbuha de şîrove kirine.

## **PEYV**

**Nepenî:** Veşartî

**Babet:** Mijar

**Xêzan:** Malbat

**Têz:** Pile

## **PIRS**

**1-** Kar û xebata Dr. Qasimlo bi kurtî binivîse.

**2-** Pirtûka Dr. Qasimlo ya bi navê “Kurd û Kurdistan” li ser çi ye?

**3-** Dr. Qasimlo bi çi awayî hat şehîdxistin?

## **CUR Ü AWA**

**Jîname:** Ew curenivîsa ku jiyana kesekî/ê bi awayekî berfireh radixe ber çavan.

**Plana jînameyê:**

**1-** Dîroka ji dayîkbûnê

**2-** Cihê ji dayîkbûnê

**3-** Rewşa tê de mezinbûyî

**4-** Erk

**5-** Taybetmendî

**6-** Xebatêن hatîn kirîn

**7-** Çi bandor kiriye

**8-** Girêdayî kîjan beşa wêjeyê ye

**9-** Ger mirî be, dîrok û cihê mirinê

**10-** Piştî mirinê nivîsên ser hatîn nivîsîn

**11-** Ger wêne û nivîseke destê wan hebin, têن danîn.

## RÊZIMAN

**2- pêveber:** Di hevokê de hêmana ku karekî, bûyerekê, rewşekê radigihîne pêveber e.

**Mînak:**

Deriyê malê ji nişka ve **vebû**.

Dara li mala me **dinive**.

Xalê min **cotkar** e.

Bihar **demsaleke xweş** e.

Pêveber dibin du cure: Pêveberên ku bûyer û karekî nîşan didin û pêveberên ku rewş û taybetiyekê nîşan didin. Pêveberên ku kar û bûyerekê nîşan didin, bi alîkariya lêkeran pêk têن. Pêveberên ku rewş û taybetiyekê nîşan didin bi alîkariya navdêr û rengdêran pêk têن.

**Mînak:**

Bêrîvan çêlekê **didoşe**. Kar û bûyer

Xunavê gul **çandin**.

Xwîşka min **xwendekareke jîr û jêhatî** ye.

Serdar **şivan** e.

Rewş û taybetî

## HÎNDARÎ

Tu jî jînameya pakrewanekî/ê binivîse.

# WANE 3

## DÎLBEREK MIN DÎ BI ÇAVAN



1	2
Zehmetek wan pir bi min dan,	Dîlberek min dî bi çavan,
Dil hedef kir, tîr li min dan.	Agirek berda hinavan.
Bê edet cewher bi min dan,	Şem' û rohniya zîlamê,
Xemzeyê pir mekr û fendar.	Zulf û xalêñ te temamê.
Lê li min berda girînê,	Şerbeta şirîn kelamê,
Bê sebeb ketme nivînê.	Sed şikir îro selamê.
Lê ji ber husna şirînê,	Şerh û teqrîra Îslamê,
Kanî hûrya serzemînê.	Reng û elwanê dicamê.
Ew bi xwe halim bibînê,	Min qebûle hikmê rindan,
Zulf û xalê xemrevînê.	Lê ci bêjin qewl û bendan.

3	4
<p>Zulf û xal û mest û naz e,          Gerdenê, gerden firaz e.</p> <p>Cerd dikim, ehlê mecaz e,          Xef dibin estar û raz e.</p> <p>Ez çib kim sewm û nemaz e,          Min di dest tembûr û saz e.</p> <p>Dil ebîr û nest û mîrê,          Da li min derbek bitîrê.</p> <p>Kirme heba zemherîrê,          Kanê Melayê Cizîrê.</p>	<p>Ka Xanî Şêxê beşerê,          Baba Tah'r, Elî Herîrê.</p> <p>Şev dikim nalîn û zarî,          Ey Siyapûş tu xumarî.</p> <p>Çend Siyapûş tu starî,          Dir û yaqûd û mirarî.</p> <p>Hespê şahê şahsiwarî,          Ji işqê tu bi eh û zarî.</p> <p style="text-align: right;"><i>Siyapûş</i></p>

## PEYV

**Şem:** Roj

**Zîlam:** Tarîtî

**Zulf:** Bisk

**Kelam:** Gotin

**Şerh:** Şîrovekirin

**Teqrîr:** Biryar

**Elwan:** Koma rengan

**Xemzê:** Navê evîndara nivîskar

**Husna:** Xweşîkbûn

**Mest:** Serxwes

**Firaz:** Bilind

**Cerd:** Tor avêtin

**Mecaz:** Xaze

**Estar:** Tişta herî hatî strandin

**Raz:** Sir , xef , merez

**Sewm:** Rojî

**Nemaz:** Nimêj

**Ebîr:** Debar

**Nest:** Hest

**Heb:** Lib

**Zemherîr:** Navê beşeke dojehê ye, Sermaya zêde

**Beşer:** Mirov

**Xumarî:** Çavlixew

**Mirarî:** Micewher

**Şahsiwar:** Şahê siwar

**Hûrî:** Perî

## **EM HELBESTVANÊ XWE BINASIN**

Siyapûş, wêjevanekî navdar ê kurd ji Rojhilate Kurdistanê ye. Di helbest û çanda kurdî de deryayeke kûr e. Siyapûş, gelek berhemên binirx ên weke helbest di dîwana xwe de nivîsîne, jan û taybetmendiyêن gelê kurd bi awayekî mecaz lorandiye û bi taybet pirtûkek bi navê “**Seyfîmilûk**” nivîsiye. Dîroka ji dayîkbûna xwe bi ebcedê wiha dibêje: “*Bi avzêrê nivîsî xetê kafil temam ebced ji yekita ûlûfl mae'lîm, dabî destê wan, lewhê sînîn. Bi carekê elîf û bêkirin telqîn.*” Yanî bi hesabê ebcedê 1205'an koçî dabaşa xwe dike.

## **RASTNIVÎS**

**Valahiyêñ di rêzikên li jêr de dagire:**

Dîlberek min dît .....,

Agirek ..... hinavan.

..... rohniya zîlamê,

Zulf û xalêñ .... .....

..... ..... kelamê,

Sed ..... ..... selamê.

## **PIRS**

- 1- “Dîlberek min dît bi çavan”, ev berhema kîjan helbestvanî ye ?**
- 2- Helbesta me ji çend malikan pêk hatiye?**

## **CUR Ü AWA**

v helbest ji ber ku tê de hem hestiyarî, hem sembol heye ji ber wê çendê helbesteke hem lîrîk e, hem jî sembolîk e.

Bareya vê helbestê tam e û li dawiya her rêzikên helbestê jî redîf hatiye bikaranîn.

Di waneyêñ derbasbûyî de bare weke çar beşan hatibû diyarkirin. Yek ji wan bareya lawaz e.

- Ji wekheviya tîpeke dengdar a li dawiya rêzikên helbestan ên hatin dubarekirin re **bareya lawaz** tê gotin.

### **Mînak:**

Weke bilil ez işqê gul nalîn me têñ xweş ji dil

Işqê hebîbê ez kirme zilzerd rû zeîf weke hilal

Siyapûş

Bareya Hevdeng:

- Dema li dawiya rêzikên helbestan ji bo ahengiyê peyveke hevdeng û wateyêñ wan cuda re **bareya hevdeng** tê gotin.

### **Mînak:**

Ferdêñ ku di riya azadiyê de navêjin tu **gavan**

Bê guman dê tim û daîm ji serdestan re bibin **gavan**

# WANE 4

## SEYDAYÊ HÊJA OSMAN SEBRÎ

Rehmetî, Qenatê Kurdo pesnê  
Mamoste Osman Sebrî dide û wiha dibêje:

" Li paş seydayê Cegerxwîn şerê serê  
çiyayên Kurdistanê yê yekemîn Osman Sebrî  
ye. Di rewşenbîrî û şerê xwenasîna  
kurdistanê de û di şerê serbestî û azadkirina  
kurdan de gelek roj û salêن giran li pêşıya wî  
mîrî bûn. Lê ew di iş û karê xwe de ji riya xwe venegeriya. Wî  
gelek xebat ji bo serxwebûn û azadiya gelê kiriye."



Seyda Osman sebrî di sala 1905'an de li gundê Narincê (Bakurê Kurdistanâ) ji dayîk bûye. Bavê wî serekê êla mirdesanê bû. Di sala 1915'an de bavê wî çûye ser dilovaniya Yezdan. Apê wî Şukrî ew xwedî kiriye û rî kiriye xwendinê. Wî xwendina xwe di sala 1922'yan de qedandiye. Lê weke tê zanîn ku apên wî şukrî û Nûrî ji ber têkiliyê wan ên bi şoreşa Şêx Se'îd re mîna gelek hevalên xwe hatin bidarvekirin. Bandora şoreşa Şêx Se'îd gelekî li wî kir û ew jî ket nava rojên reş û giran de. Ew tevlî hevalên xwe dibe û dikeve nava derdê neteweya xwe de. Çi bi eşkere û ci bi dizî, xebata xwe berdewam dike. Hukûmeta Roma Reş wî digire û diavêje zîndanê. Ew di zîndanê de dimîne ta sala 1928'an. Wî berdidin, lê careke din wî di sala 1929'an de didin dadgeha leşkerî. Piştî vê yekê ew di 24.09.1929'an de berê xwe dide Sûriyê. Xebata xwe ya welatparêziyê ji bo miletê xwe didomîne. Bîr û baweriya xwe ya serxwebûn û azadiya kurdistanê belav dike. Tê gotin ku Osman Sebrî 12 caran hatiye girtin û carinan jî ew sergon kirine. Ew pênc caran ketiye bin çavnêriya polîsên Sûriyeyê de. Bi gotina Nûredîn Zaza, Osman Sebrî xwendin û nivîsîna zimanê kurdî li cem Celadet Bedirxanê navdêr hîn bûye. Wî bi liv û

tevgera xwe û bi jêhatbûna xwe ev zanist di nava kurdan de belav kiriye û ji kurdan jî fêr bûye. Wî dest bi pirsên mîna dîrok, civak û siyasî kiriye û bi wan ve mijûl bûye. Wî gelek gotarêن dîrokî li ser kurd û kurdistanê nivîsîne û gelek nivîsêن serpêhatî û çîrok jî nivîsîne. Wî helbest jî nîşan kiriye. Berhemên wî çi çîrok çi helbest di nava salêن 1932-1945'an de di kovar û rojnameyêن kurdî yên wê demê de ku Celadet Bedirxan û kamuran Bedirxan çap dikirin, hatine belavkiran.

Nivîsarêن wî di Kovara Çiya de jî hatin belavkiran. Ta vê dawiyê nivîsarêن wî tam nehatine çapkiran, tenê hinek ji nivîsarêن wî hatine çapkiran. Ew jî ev in :



### **Dîwana wî ya bi navê Apo**

#### **Helbestêن tê de:**

- Pira gendorê
- Xweşxana çiyakî
- Cejne pîroziya welat
- Leheng
- Rewa xortan

**Wî dîroka kurd û kurdistanê di jimarêن Hawarê de (28 – 29 – 30 ) belav kiriye**

**Êzdî û ola wan di Ronahî de (19 – 20 – 21)**

**Nêçîr di Ronahî de (18)**

**Nêçîra xortan di Hawar de (48)**

**Leheng serpêhatiya mîrxasêن şoreşa Şêx Se'îd di çiyan de ( 3 – 4 – 5 – 6 – 7 )**

**Çiyayê sasûnê Hawar (27)**

**Zîndan û nivîsandin Ronahî ( 24)**

**Li welatê çînan Ronahî ( 12)**

**Warê me ne yê Qore di Hawarê de (51)**

**Terşen şevê di Ronahî de (14)**

Bi vî rengî jiyana xwe li Sûriyeyê bajarê Şamê berdewam kiriye. Ew li Rukin aldîn maye. Di 11.01.1993'yan de li bajarê Şamê çûye ser dilovaniya Yezdan û paşê li gundê Berkevirê li goristana şehîdan hatiye veşartin.

Bi rastî piraniya helbest û hozanên wî li ser welatperwerî, yekîtî û hevkariya kurdan in. Li ser azadî, serbestî û serxwebûna kurd û kudistanê ne.

Şîret û gotinên wî di helbestên wî de têx xuyakirin.

*Ev jî helbesteke wî ye.*

***Halê welat***

Divê tu zanibî, ev bûne sê sal

Min ne dît xwîşk û bira, di mal

Ne me dît axa welat pira diyan

Ne vexwar kewsera gewrava çiyan

Dipirsî îro ji min halê welat

Dibêjim jê diçin sed agir û pêt

Çi çiya, deşt û newal rêl û zimag

Çi bajar, gund û kelat avahî pag

Heya bi dar û çiyan kuç û zinar

Bi girîn kezeb ji min anîne xwar.

## **PEYV**

**Hawar:** Kovareke bi zimanê kurdî li Şamê dihat weşandin di salên (1932-1943)

**Roma Reş:** Dewleta Tirk

## **PIRS**

- 1-** Kengî Osman Sebrî ji dayîk bûye û li ku derê ?
- 2-** Li gorî Nûredîn Zaza, Osman Sebrî li ber destê kê fêrî xwendin û nivîsandina kurdî bûye?
- 3-** Kengî berhemên Osman Sebrî hatine weşandin?

## **RASTNIVÎS, HÊMADAN Û PEYVÎN**

Em çawa dikarin hevokên asayî bê ku peyva pirsyarî bi kar bînin,wê bikin hevoka pirsyarî? Bi vî rengî çend hevokên asayî vegeŕînin hevokên pirsyarî.

**CUR Û AWA** Mijara hatî xwendin jîname ye.

## **RÊZIMAN**

**3- Bireser:** Hêmana ji kirina karê kirdeyê bandor dibe, **bireser** e.

### **Mînak:**

Min **genim** çand.

Tu **gulan** av didî.

Şervên me **welêt** diparêzin.

Me **al** hilda.

Hin caran bireser veşartî ye.

### **Mînak:**

Min xwend.

Ew vedixwe.

Ez ê bêjim.

# WANE 5

## COTYARÎ

Dema ku cotkarek çend salan li pey hev heman zeviyê biçîne, êdî genimê wê zeviyê weke tê xwestin, çenabe. Ji ber ku di axa zeviyê de bêberhembûn çêdibe. Her wiha tîmarên ku genim pê çêdibe, di nava axa zeviyê de kêm dibin. Ev rewş bandoreke neyînî li ser genim çêdike. Ji bo rakirina wê, pêwîst e ci bê kirin?

Di rewşeke bi vî awayî de cotkar neçar e vê zeviyê salekêbihêle neçandî. Dîsa ji bo ku tîmara windakirî careke din bi dest bixe, pêwîst e zevî were zibilkirin.

Rojekê cotkarek ji ber ku zeviya wî êdî berhem nedida, neçar dibe û ji bo kirîna genim diçe deşta Mêrdînê û rastî cotkarekî pispor tê, cotkarê pispor jê dipirse: "Ma zeviyênenin, tu têyî van deran genim dikirî?"

- "Hene, lê ji ber çandiniya zêde, êdî genim baş çenabe.

Ew jê re dibêje: "Here zeviya xwe bike şûv."

Piştî vegeŕîna malê, cotkarê belengaz dest bi hilkirina zeviya xwe dike û careke din pêwîstiya wî bi kirîna genim namîne.

Nexwe ji bo cotkarek karibe destkeftiyeke baş ji xakê bistîne, pêwîst e hem zeviya xwe bike şûv, hem jî di dema çêbûna çandiniyê de zibil bi kar bîne. Her wiha bêhnvedana zeviyan û kirêbkirina wan jî, pêwîstiyeke cagyariyê ye.



## **PEYV**

**Cotkar:** Kesê cot dike

**Şûv:** Zeviya hatî kêlan, lê tov lê nehatî reşandin.

**Kirêb:** Kêlana girs a zeviyê

## **PIRS**

- 1- Cotkarê belengaz, çima bi rexneyê re rû bi rû ma?
- 2- Çi bû sedem ku êdî zeviyê, genimekî baş nedida?
- 3- Ji bo ku cotkarek karibe destkeftiyên baş ji xakê bigire, divê çi bike?

## **CUR Ü AWA**

Ceribandin: ew curenivîsa ku nivîskar raman û hestêن xwe di derbarê mijarekê de tîne ziman bêyî ku bikeve xema nebawerkirinê yan piştrastkirina wê bi çespandinê.

## **RÊZIMAN**

**4- Têrker:** Têrker ji gelek aliyan ve karê ku tê kirin sergihayî (temam) dikin. Ev sergihayîkirin dibe ku ji aliyê demê, yan cih an jî rewşê ve be.

Her wekî ji ravekirinê jî diyar e, têrker di binyata xwe de hoker û daçek in.

## **Mînak:**

**Gundî li dora gund** zivirîn.

Bajarî serê sibê zû diçin karê xwe.

Ez **gelekî** westiyam.

## **HÎNDARÎ**

Tu jî mijarekê li ser berhemên zeviyêن herêma xwe binivîse.

## HÎNDARÎ 4

**1- Peyva ku di hevokê de kirina kar nîşan dide, kîjan e?**

- A)** Hevalkar
- B)** Lêker
- C)** Têrker
- D)** Hevalnav

**2- Navên taybet çawa têن nivîsîn?**

- A)** Bi xêzika axaftinê dest pê dike, zayenda wê bi hêmaya birînê jê tê vekirin.
- B)** Bi tîpa mezin dest pê dike û zayenda wê pê ve tê zeliqandin.
- C)** Bi tîpa biçûk dest pê dike û ji kokan pêk tê.
- D)** Bi tîpa mezin dest pê dike.

**3- Nivîsa ku nivîskar neçar e dîroka rojê binivîse, ji kîjan curenivîsê ye?**

- A)** Serpêhatî
- B)** Bîranîn
- C)** Çîrok
- D)** Rojane

**4- Ji hevokêni li jêr kîjan hevok di dema niha de ye?**

- A)** Ew dê di refê de waneyê bixwîne.
- B)** Ez çûm Amedê, li bazarê geriyam û zivirîm.
- C)** Bahoz, Karwan û Derya ji daristanê zivirîn.
- D)** Şermîn wêneyan kom dike.

**5- Ji hevokêni li jêr, kîjan neyînî ye?**

- A) Ez hatim dibistanê.
- B) Min av venexwar.**
- C) Derya Spî pir fireh e.
- D) Heval di newalê de dimeşin.

**6- Ji wan nivîsîn û berhemên bi mebesta li ser dikê bê lîstin, hatîn amadekirin re çi tê gotin?**

- A) Çîrok
- B) Nutuq**
- C) Guftûgo
- D) Şano

**7- Di nava hevoka li jêr de peyva hatî reşkirin kîjan endama hevokê ye?**

"Sorxwînê di deryayê de **li neyaran** xist."

- A) Têrker
- B) Bireser**
- C) Têrkera cihî
- D) Lêker

**8- Peyvîn hemwate bigihîne hev:**

1- Bargeh	şîretkar
2- Şêwirmend	xwedîkar
3- Karmend	xizanî
4- Hejarî	Wargeha leşkerî
5- Pesar	hurde
6- Xulek	cihê kaş

**9- Ji hevokêni li jêr yên rast bi tîpa (R) û yên şaş jî bi tîpa (Ş)  
nişan bike û yên şaş sererast bike.**

- 1- Tişta nivîsa rojane ji bîranînê cuda dike, di bîranînê de diyarkirina dîroka rojê ye. ( )
- 2- Ez vê avê venaxwim? Hevokeke pirsiyariyê ye. ( )
- 3- Ger em kevanekê ji nava nivîsa xwe derxînin, ew bandorê li ser wateya bingehîn a hevokê nake. ( )
- 4- Di hevokêni navdêrî de salox endama bingehîn e. ( )

## BELAVKIRINA WANEFAN LI SER SALA XWENDINÊ

Hefte Meh	Hefteya yekem	Hefteya duyem	Hefteya sêyem	Hefteya çarem
Rezber			Perwerdeya rast	Dara û mamoste
Cotmeh	Hevaltiya rast	Cotyar û zevî	Kî me ez	Mêşen hingiv
Mijdar	Têkiliya çandê bi ziman re	Herêmeke Kurdistanê	Welatê min	Şivanê bilûrvan
Berfanbar	Rexneya li ser perwerdeyê	Kelha Elodîno	Pezkoviyyê ciwan	- Ez - Melayê Cizîrî
Rêbendan	Roviyê stemkar	NIRXANDIN	BÊHINVEDAN	BÊHINVEDAN
Reşemeh	- Geliyê zîlan - Dayîka min	- Gulbihar Daxwazname	Dîrok û sirûd	Bilbilê dilşadî
Avdar	Name ji bo dayîkê	Til Helef	Girîngiya Xwendinê	- Peyama Newrozê
Cotan	- Siyabendê Silîvî Û Xecê	- Ziman Û Gel -Dr.Qasimlo	Dîlberek Min Dît Bi Çavan	Seydayê Hêja Osman Sebrî
Gulan	- Cotyarî	NIRXANDIN		